



梅溪先生後集卷第二十

詩

李伯時贈英石

英石采後並玉堂鈴竺儿  
繁聳鋒鏘平生性有好山癖  
袖得兩峯歸故鄉

送潛老赴東禪

駐錫清源十五年  
月明臺靜忽飄然  
禪心莫為東禪起  
南北東西總是禪

難弟難兄漢二龔  
袈裟縫掖各清風  
淵明已遂歸田願  
蓮社行將訪遠公

陳提刑挽詞

我守桐城公奉祠登堂猶恨識公逢心勞撫字陽司業  
歡喜平反雋不疑頭白不忘文字樂室清宜作子孫規  
襟華玉潤皆文傑潛德幽光發妙詞

送陳元龍赴封州教官

溫陵尊酒偶相逢記得同年舊日容書讀短檠游太李  
經傳絳帳適臨封清新得句腸生錦瘦硬通神筆吐鋒  
莫向炎州嘆官冷行看湖海起元龍

提舶生日

正陽之月慝不作氣候清和滿寥廓階餘嘉瑞十莢其  
墻出新梢半含籜正是生才好時節化日舒長暑猶薄  
遙遙華胄馬服君世有功勲上臺閣

漢云臺唐凌烟  
皆有馬氏象耳

孫挺秀生東蜀骨相堂堂人磊落絳帳心潛南郡風銅  
杜家傳伏波畧致身朝列貳樓官銜命江東訪民瘼雍  
容敷奏天顏喜小試舶臺良不惡北風航海南風回  
遠物來輸商賈樂日邊知己皆達官行矣婦持紮荷橐  
平生德性不好飲今日壽觴宜滿酌爛柯仙侶年自長  
不用西山一圓藥

得葉飛卿書因寄貢院碑

八字雄文照眼明親題一軸寄松廳千間廣廈能宣力  
何止區區不負丞貢院之役飛卿手陳節推董之

萬桂堂

佛國新開選佛場蟾宮分桂十千章邦人種德家家熟

仙籍題名葉葉香地占清光一輪滿門傳盛事五枝芳  
東堂万万高攀手莫負君恩與義方

表弟万大年宿郡魚為鼠蚊蚤所苦夜不安寢  
目為三害某輒申造物之意諭之以詩

萬子游清源頗愛風物好胡為官舍中害有蚊鼠蚤  
衣襟掀翻聒耳倦揮掃跳蟲從何來出沒席與藁中夜  
不安寢披衣起呼皂禽鼠磔其尸驅蚊熏以草熾炭烘  
衾調蟻虱亦俱薨三害稍稍除高眠起志早我時寢疑  
香清夢到穹昊仙官為我言必大有家寶乃翁多隱德  
子籍在蓬島天將成就之故以此相惱要令坐達旦万  
卷飽探討毋如老外兄不孝首空皓彼蟲類最多生育

自洪造尽殺則傷仁無容幸寬抱萬子眷我言往往咲  
絕倒番后相參元失馬福塞老宴安生鴟毒疾患貴壽  
考三害不必除君言近乎道

薦新荔支

晚年游宦到雙閣四見輕紅荔子新不似蒲萄結三臺  
向來猶及遺慈親

大言獨步郡圃即事有作次韵

厭聽桐城兩頰瞻雁蕩雲它鄉見子面好句張吾軍  
木心知敬大年每稱賞素榆景未曛淹留不須羨難

偶同群

早起

老欲投閑尚未成  
膠膠擾擾厭餘生  
方成挑上將仙  
忽听窓前喚起声

刺桐花

初見枝頭万綠濃  
忽驚火傘欲燒空  
花先花後年俱熟  
莫遣時人不愛紅  
丁謂詩只愛青青不愛紅

大年游延福寺

去歲曾遊九日山  
忽忽不暇尽躋攀  
煩君訪我不別愛  
好把詩篇載取還

提舶贈玉友六言詩次韵以酬

重見異鄉佳節又成終日清  
西歲重午忽捧晉堂双  
玉引觴洗破愁懷

兢渡爭飛各舫賜衣絲集丹墀  
幸笔不忘規諫玉堂誰

進歐詩歐陽公端午帖了詩云楚國因詩逐屈原終身

也言不宗日幸笔不忘規諫真侍從臣

覓百葉榴花

玉友双瓶不惡錦囊六字尤清更  
覓榴花百葉要冷若  
眼增明

寄陳大諫良翰

公居言路望非輕  
天下人皆側耳聽  
方欲携書責陽子  
忽有疏論延齡危  
言已落奸邪膽  
正色著清眉  
天聽未回須力爭  
從茲受責亦芬馨

天申節放生

夫子釣不網仁心戒盡物君子遠庖厨孟軻論仁術生  
魚舍子產馱網祝天乙於初文王沼灵德壽周室壽豈  
放生池天下八十一至今湖州碑輝耀魯公筆我宋  
仁如天神武而不殺華夏及蠻貊卯胎豎化温皆婦好  
生德惟恐一物失清源跪佛国此典胡獨缺耽耽奉子  
場護馥荷華隰誕節逢千秋場宴遍郡邑何以壽吾  
君故事修遺逸魚鼈族至微端賴尺水活况兹十畝池  
中含千里閩郭索行草泥女夫巢蓮葉長鬣及衆鱗巨  
細各儔匹圍圉復洋洋生意俱可必永处教豈憂成被  
中孚吉中有六六魚聊茲友蟻蛭一朝得雲雨龍門變  
允質歲早當作霖莫忘也中日

送知宗奉祠還城

堂堂人物宋宗英來主金枝玉葉盟麟趾化成公族厚  
棟華詩作爭心平金尊對客吟篇逸貝葉談空世味輕  
五月仙舟鑑湖去芟荷香裏奏新声  
綠水芙蓉汎鎮東一觴一詠辱陪公轉頭十載已陳迹  
會面二山俱秃翁舊懷重尋賀盛宅歸帆遥借若邪風  
九重側席待宗老頌長惓惓劉向忠

愛松堂納涼

鈴杵苦炎熱松竹生晚涼颯然清我襟兀坐興味長我  
無桑下戀愛此獨不忘願言勿翦伐清除常滿堂  
那能夜坐聞水車声

風伯吹雲不成雨，綠穡如焚誰守土。鈴索夜聞水車聲，  
遙想田間老農苦。汗流氣喘飢眼花，厭聞雷中鼉打衙。  
要見相勞勿愁嘆，多少高田無水車。  
天二欲警老刺史，車盡夜入疑香耳。四郊苗槁農民悲，  
万壑水乾魚鼈死。守臣失職政事荒，誰遣連年坐黃堂。  
自慚不及段文昌，聖世豈有樂洪羊。

末利花

日莫園人獻寶珠，化成千億小芙蓉。使君燕寢無沉瘴，  
疑比清香自有餘。

次韵傳教授景仁馬綠荔支

玉座奇包未與須，伏波家果忽堆盤。且言茶譜均稱綠

不比韓詩止詠丹，薦李徒誇碧實脆。嚼衣未覓水晶寒，  
羨君衫髮巧相似。我坐郡廳慚素飡，泉州厅事号荔枝

再次韵

而載閩南白盡須，蘄香異品上杯盤。發緘初訝囊非絳，  
摩實猶疑頰未丹。較美宜同法石白，荔枝詞云五嶺裝秋寒荔後先欲占麥秋黃。  
荔枝詞云五嶺裝秋寒荔廣文詩句篇篇好，咀嚼令人  
發廢飡。

三次韵

荔子新詩屢見須，端同玉局賦金盤。披詞玉座金盤不  
香包盡帶賜袍綠，孰顯半含仙灶丹。西蜀稍多應喜遠，  
荔枝詞云五嶺裝秋寒荔東嘉可種似宜寒。東嘉不加無荔支有種而生者

微酸好入盞梅品莫作尋常果

四次韵

秦譜黃詩久已頌不同馬乳  
堆盤色因不惡故名酒  
食可成仙何用丹追逐故江相上下比方魁紫稍孤寒  
殷勤百顆分其意端為詩情合得餐

五次韵

涪陵妃子謾名園豈似閩南綠  
一盆龍喜色同青玉案  
不妨功並紫金丹益者紅紫品流俗詩嚼冰霜牙頰寒  
吟罷閑觀古軍帖來禽青李可同餐

六次韵

年少題詩入否園橫空硬語勝郊盆  
新吟陳紫并江綠

深逼蕉黃與荔丹官舍聊淹廣文冷雁行高並玉峯寒  
黃堂病守相將去秋菊落英誰共餐

七次韵

平生雅意在丘園行矣歸尋隱者盆  
此日詩盟共君結  
明年荔子為誰丹欲移仙種栽中土只恐天資不耐寒  
定向家鄉想風味江瑤斫桂謾加餐

得雨復用聞水車韵

蛻骨木龍憂不雨更喚兩牛眠下土  
農家以架車水從者為眠牛  
地底飛上田不減在天行雨苦庭中忽見天雨花白衣  
真人游郡衙但願為霖莫為潦免使泥陷羸牛車  
亢旱踰時如魯史一雨已逢淹爾耳農猶滿望苗返魂



車亦收声魚免死我持酒戒不敢荒急呼一盃飲松堂  
不憂猖獗有巢昌只恐沈猶朝飲羊

吳宗教惠西施舌戲成三絕

吳王無處可招魂惟有西施舌尚存曾共君王醉長夜  
至今猶得奉芳尊

博物延陵有令孫不因官冷作儒酸珍庖自有西施舌  
風味堪陪北海尊

長記還家屢擊鮮南來歸興日飄然不緣樽俎逢西子  
始泛江湖范蠡舟

貢院食新荔觀雙蓮因成六言

兩郡兩逢新荔予在藁泉二州三年三結雙蓮貢院池

三酒盞莫辭在手與時同把無緣

分韵得兩字

官舍苦炎熱貢闈快虛敞急呼玉友生閑共同僚賞堂  
成桂植万堤就池分兩蓮開花並蒂荔擘味在掌詩句  
聽細論塵襟發清爽行矣北歸翁山林起遙想

雲榭納涼

人間正炎熱雲榭獨清涼如欲慰黎庶諸君宜奉揚  
分韵得宜字

榭向雲間築風從天半吹談方以清飽襟更為涼披雄  
入蘭臺賦微生殿閣詩倚欄觀出岫吾去亦誠宜

罷官迷懷

去矣清源守皤然雪滿頭居官無善政排悶有詩爲朋  
盍三盃酒公餘一覺眠泉人豈思我我意自思泉

出州宅 閏五月二十日

官居到處郵傳歲月驚人電飛惆悵同來德耀故鄉不  
與同歸

### 寓清源驛

兩年繆作清源守不到清源洞裏游天恐孤子遠來意  
驛中聊許少遲留

### 諸公餞別分韻得人字

清源古名郡守土宜擇人胡為不才者兩載乘朱輪政  
拙歲多旱民愁眉日顰賴茲淳厚俗容我老病身乞祠

竟不允易郡俄得鄰雅懷上豕頗偶有還鄉因賓僚共  
呼酒肴較嘉且新展餞選士場語離庚伏良清風屢吹  
衣暑雨微洒塵驪駒沸盈門鸚鵡飛入唇我亦重惜別  
不辭勸酬頗諸君如神魚行奮六六鱗李士倍登羸郡  
符同治秦我如倦蜚鳥野性難籠馴舊巢尋故山一枝  
老荆榛官居類郵傳誰能久相親但願各勉力相期作  
純臣

### 枕上聳雨声

枕上微聞點滴声皇天有意抹蒼坐雖然未作商家雨  
已覓炎方暑氣清

### 聞角声

角聲已作送行聲更向蕭蕭雨後聽明日出郊聞更遠  
回頭忍見二山青

復安靜堂舊額

端明之孫字子強銀鈿鐵畫傳遺芳昔年作郡古平海  
大筆親書安靜堂自從宣和至軋道字與翰英爭光芒  
一朝忽遭俗眼白毀滅名姓深埋哉我來搜訪又乃獲  
老兵據為寢處牀滌除五載塵土面字向堂上增敬昂  
祖為第一孫是似書有家法稱莆陽休具方共類雄壯  
榜與忠獻同翔翔因知文字乃至寶一時之瓦庸何傷  
石鼓文有鬼神護淮西碑並日月光豈容泯滅暴秦火  
誰有檜矣跋文昌書生作郡太迂開理財聽訟俱非長

吾君若問何以治堂復韓蔡祠秦姜今纔五日京兆  
耳眷比陳迹猶未忘但願茲堂日安靜名與國壽俱  
無疆

次蔣元肅韻

酒盃三十六人街勸我殷勤不止三長記白蘋離浙石  
忍看丹荔別泉南自慚政似陽城拙那得崇如召伯耳  
見說廣文尤惜別好詩千里送歸驂

贈李宜之運幹

謫仙苗裔自非凡家李端能嗣大參一見便知空異地  
三年長嘆滯周南其家絕哇翰墨僕騷可請試言詞  
倚馬堪莫道南來橐無寶一編傳得小雲龕

記風聞五月二十六日

泉南回多風茲風大為最初驚月有暈忽聽天鳴籟蓬  
蓬從何來烈烈不可奈万竅爭怒號三光變冥昧掀翻  
敗墻壁摧折到松檜瓦飄上天半茅捲洒郊外稻吹垂  
實花果墮未熟菁山川失故容草木遭厄會飛同鷓過  
宋悲異兇歌沛孰云楚臺雄未覺周郊大雖然不終朝  
無乃已被害嗟予垂素髮溢此張阜盖方憂西疇禾未  
問南海具時番船將回心如韓值颶卜効蘇命蔡焚香  
叩穹昊防患問耆艾稍稍雲色定徐徐雨声霈漸停箕  
皞揚會見氣交泰居民理破屋老守戒征旆五絃歌舞  
琴一絲詠巖瀨去矣木待瓜歸欵及鱸膾

蔡端明祠堂

公昔自禁從身來臨此邦河梁一何壯筆力独能扛  
績留南紀祠堂枕大江山川與人物今古兩無双

別傅教授景仁

鼻祖調羹佐有商耳孫家業踵前芳  
千言書有鹽梅味千首詩開錦綉腸  
絳帳詎容淹久次制科端欲待非常  
歸囊剩有君佳句更獲珠璣四十章

贈陳教授正仲謙

益友平生所忽親南來深喜得斯人  
淵源師杜真知体正仲贈予詩云淵源師老杜体  
制陋西崑而正仲詩殊有杜体人物如平豈久貧絳帳  
可能淹教育掖垣便合掌絲綸臨行贈我五百字楚璧

隋珠未足珍

挽令人

糟糠情味飽相諳我事耕耘爾力蚕誤走迷途半天下  
忽驚魂夢斷泉南二年旅櫬悲無柰千里途車涕不堪  
預卜黃華晚秋節佳城歸祔白岩庵

贈陳休仁

我來守清原德星識二陳大陳如金玉一室清無塵厭  
世不肯留至今里稱仁儒先賀州守才氣超乎倫曾中  
包古今筆下真有神唾手取甲科齒髮方青春声名滿  
天下文字驚縉紳勞人暫州縣平步當要津蹉跎忽至  
今此志猶未伸真人奉香火蕭寺合悲辛講席運諸主

黃卷訶古人異端斥佛老吾道鳴孟荀叩籍束脩禮少  
資囊橐貧我忝二千石二年收斯民不能助玉川恥與  
韓公均贈我詩與文字字字皆可珍寵褒恨太過感激難  
具論願公少自愛行矣當致身門下有高第在堂手經  
綸房魏方得君詎肯忘河汾

贈林尉致約

紅顏白面神仙吏好李苦吟真我徒政事文章有家法  
它年呼作小龍圖

臨行至貢院觀桂贈致約

竊祿清源愧不才貢闈臨去尚徘徊青青万本新移桂  
尽是梅仙手為栽

宿寂光院

青山環繞如盤谷中有清幽佛子家人昔共來今不見  
數行老淚濕烟霞

陳德溥以百韵詩送別因贈一絕

蓮幕游從一二年送行越境繼前賢陳德溥後山筆

頭皆有珠千顆端似少陵夔府篇

越境送別者七人蔣元肅黃少度鹿伯可趙元

序陳德溥葉飛卿林致約少酌驛舍

同僚送我楓庭驛共酌臨分酒一杯我念泉人仍惜別

此身雖去首頻回

別蔣元肅

符竹南來識廣文經橫講席見淵源凌雲詞賦勝三賦

醫國忠言壓萬言元肅詩作陳迹互將文字記交情更

向別離論君方騰翊吾衰矣名節相期百世存

題莆田林氏雙闕

唐室遙遙孝義門屹然雙闕至今存當時泣尽思親血

化作息波遺子孫

過頭陀九嶺宿天玉樓林二招提因成三絕

凌晨飽節渡秦溪前溪一要上青山九級梯不使甌閩

隔人世頭陀力與五丁齊

千里扁塗險更長眼中深喜見天王從今漸入平安境

舊路艰辛未敢忘

我如倦鳥欲栖林喜見禪僧棲處深家在梅花小溪上  
一枝聊慰北歸心

宿五峯院

万法由来总是空五峯名在本無峯我来遥作廬山想  
隱約夕陽開處遲

廬山正公詩有五峯亭望見廬山峯也

贈亮首坐

雪頂危眉八十餘五峯深處結精廬閱人老眼能青白  
贈我嚴公一軸書

王成之太博寄詩病中未能和謾書十字以酬

老病欲納綠君恩許奉祠已為三徑計誤辱廣文詩

司理叔文和過万橋詩擬用前韵

少年一夕九起嗟家貧親老無生涯河東先生獨青眼  
慨然許我修通家三十年間同轉首王謝依然作甥舅  
時人咸笑孺子負杜老惟蒙丈人厚罷官聞嶠初歸來  
登堂又荷傾金壘詩誦白圭感前事情鍾我輩銜餘哀  
定向清朝力求退呼賓刺設嚴冬鱸從公杖屨鹿岩前  
明月清風趙歐會

挽令人

知汝莫如我傷心不尽談忍貧猶好施見得可曾貪永  
陸同艱險糟糠共苦甘和鳴三十載一夢斷閩南  
之子有賢升鯁生誤受知恩蒙夫子妻事類白圭詩黃  
卷悲吟夜青灯照續時竟孤借隱願徒切悼亡思

我欲誌諸墓有言何敢私如賓最相敬無妬似知詩孝  
合從姑堊賢宜舉郡悲明朝是重九恣看菊花枝

梅溪草堂新闢缺少花木効少陵故事覓之以

詩

小小園中十八香主人游宦遂荒涼名園草木多奇品  
分我餘根種草堂

閑中那得買花錢孤負飛紅李白天拈出向來花疏日  
招邀春色上詩篇

夢齡弟生日十一月二十二日

周正猶餘八莢萸昂星下應一陽生貌和冬嶺松俱秀  
神與梅花溪共清定享百齡如衛武預開三徑李淵明

弟兄此去皆華髮無惜更相薦壽觥

可公禪老住泉之九日山二十年夫子臨龍官

求去甚力復為後政所留寄詩訓以一絕

泉山好處稍延福白髮禪僧去復回且與晉松為隱侶  
莫同英石便飛來可以英石見寄号飛來峯

黃伯厚得蒲墨折而為三以書來易戲成二絕

不謂一子墨忽成三客鄉君家好兄弟昂立並馳名  
好去文房寶堅剛宜自持吾家藏有尺黃子說無時

姚宰行可和詩索墨訓以元韵

武城民事暇著述以虞卿手握陳玄輩磨成不朽名  
人生幾九墨老病厭操持好與賢明宰研磨共校時



松筆

我有文房寶莫如毛穎清來從丹桂窟封以五天城  
行惟彤管宗盟是墨卿湘東謾三品無此歲寒名

題淨名院二絕

淨名却見老維磨辯張老道眼相看語不多我待衣冠

掛神武杖藜來此老岩阿

谷中有月露峨眉水織珠簾更絕奇滿目峯峦觀未盡  
有僧攜紙覓題詩

梅溪先生後集卷第二十一

梅溪先生後集卷第二十一

表狀笏記疏文附

饒州到任謝表

時遇主協五百世之昌期共理分符切二十石之重  
寄試之民事簡在帝心中謝伏念臣奮身諸生隸業太  
季上皇親策擢居多士之先 陛下誤知眷出群臣之  
右方御天之十日昇近地之一麾旋蒙召還屢辱賜對  
親證之蘊幾展盡賈誼之言畧施行曾未閱於三時已  
徧更於數載遽從憲府擢貳天官人言遭際之非常臣  
懼寵榮之過分力絳成命果獲俞音榮聯書殿之名假  
守便蕃之郡身獲全於進退恩不替於初終况此楚東

之故邦實為江左之興壤頌真鄉英風如在范仲淹遺  
愛猶存仁實何人可預茲選茲蓋伏遇 皇帝陛下法  
舜受禪体堯宅天廣收衆正而首及滯淹樂聽讜言而  
不罪狂直遴選朝廷之士疇咨岳牧之臣雖地分內外  
之殊而心蔑輕重之異知臣本出乎白室謂臣可牧夫  
細民札命十行憂分千里臣敢不仰奉德意刀宣教條  
雖才非太公不能五月報政然忠猶杜甫未嘗一節忘  
吾

夔州到任謝表

地易變門難敢辭於蜀道心傾堯日遠尤甚於長安祇  
拜訓詞惟深感涕中謝臣煩由御史出守番易任甫及

於期年報歲聞於五月慕言言之烈於顏魯國孝復之  
之治於范仲淹擾切戒於庸人第務近民之易罪或得  
於巨室方知為政之難比因有疾而丐祠不謂誤息而  
分閫况魚復素稱岩邑在坤維實為要衝苟非文武之  
長才曷副蕃宣之重寄豈臣庸繆可稱使令茲蓋伏遇  
皇帝陛下德方日新仁若天覆憫鳥道烏蠻之險有刀  
耕火種之勞非善治不可以懷柔謂微臣或勤於撫字  
錄其寸效畀以雄藩臣敢不究疾苦於閭閻布教條於  
州郡觀武侯八陣居安未免於憂邊誦杜甫百篇有志  
不忘於愛主

除敷文閣待制謝表

官自外廷既濫中樞之寄愚由上出復叨次對之除抗  
章弗命拜命增惕中謝竊念臣才惟博採業本壘益偶  
逢神聖之作興妄意風雲之際會立螭蕃筆方近清光  
冠豸乘駟遽違丹闕俯悵忠懷之莫及仰知天眷之未  
衰跡列部而罷居帥垣自集英而超躋華閣易任誤蒙  
於增拱撫躬深愧於罔功清議靡容牢絳不獲茲蓋伏  
遇 皇帝陛下至仁接下大度包荒謂臣如汲長孺之  
愚言多妄發知臣有蘇世長之短心不敢邪榮界重藩  
許達從橐臣敢不益堅素守誓竭孤忠共理分符何以  
副西清之選拾遺補過可能無北闕之書

湖州列仕謝表

遠障承流之循良之善政近藩改命何覆載之隆私祗  
服訓詞弥增感涕伏念臣五年去國兩地分符饒俗浩  
穰有難調之巨室變疆瘠鹵介絕險之烏蠻但思治已  
以先人豈忍奪民而生事故田里安其不擾而獄訟由  
之稍稀敢曰懷歸實緣多病輒控祠庭之請屢干旒袞  
之嚴既寬斧鉞之重誅復畀股肱之佳郡瞻清光於便  
殿展素蘊之忠言謂能卹民象 天語之見獎徒以自  
近佩聖恩其敢忘豈期衰遲有此遭際茲蓋伏遇 皇  
帝陛下至仁兼被大智唯名憐臣守志弗欺共理猶知  
於惠養憫臣奉躬匪懈事君或忘於勤勞故此異除華  
於朽質臣敢不持循憲度効法京師詠靈沼於真鄉深

體好生之德恢儒宮於安定益陶善教之風

泉州到任謝表

五年三郡蔑酬天覆之恩一札十行又拜春溫之詔方奉祠而竊祿遽共理以分符際瞻不忘孤忠益勵中謝竊念臣少不孝古晚方入官論事則意廣而才踈為郡則心勞而政拙惟民是卹雖誤蒙金口之褒其毀乃來終莫奪簧言之巧松菊方尋於三徑江湖復把於一麾非神聖素察其衷豈臣下可得而薦辭避不獲顛躋是憂况聞為負山帶海遐僻之鄉而泉乃富商大賈往來之會詎容庸繆可備使令茲蓋伏遇 皇帝陛下堯仁宅天舜智察物知臣無剥下益上之罪恕臣有抑強扶

弱之偏悟即墨之浮言畀清源之善地臣敢不清白奉已循良牧民富而可求第守不貪之實老之將至尚懷有犯之忠

除敷文閣直學士謝表

任南國守臣之寄治効茂聞綴西清學士之班聖恩誤及牢辟弗獲下拜有慙中謝竊念臣學術空踈性資愚憊蚤躬耕養妄懷干祿之心晚竊科名誓竭事君之節許身自比於稷契得時况過於唐虞 上皇 親擢之於布帛 陛下又置之於臺省徒屢膺於任使竟莫報於涓埃去國八年分符四郡竟年齡之云暮致疾病之交攻藥百試而莫痊祠三乞而不允心勞政拙僅同下

考之陽城金賜秩增有愧能名之黃霸端分宜黜蒙恩  
若獲茲蓋伏遇 皇帝陛下仁覆遐遐賞從忠厚與人  
不求其備嘉善而矜不能謂臣雖不達於時宜知臣或  
稍諳於民事寃昇侯藩之重超陞庭閣之榮臣敢不仰  
務分憂俯當尺瘁拾遺補過雖良臣之願莫詘宣化承  
流庶循吏之風可繼

除太子啓事賜衣帶謝表

歸依故里首叨宮尹之除趨對便朝猥被身章之錫省  
循何幸俯儀難勝伏念臣有不移之忠無適用之器襲  
布帛而自薦綉鞶悅以矣為分三服之珍方曳裾而自  
媿拜九環之重竟委佩之有光夫何衰病之軀仰冒便

蕃之宥茲蓋伏遇 皇帝陛下教子以義方之訓好賢  
如縞衣之詩借以光華欲其贊翼惟少成若往但知歛  
衽之恭而非礼勿言敢後書紳之戒誓殫綿力少答殊  
私

慰皇后上仙表

坤元資万物之生贊成乾道慈母棄敷天之養痛摧子  
心仙馭益遐宸裏尤切恭以 大行安恭皇后穆木逮  
下葛覃儉躬嬪外邸以稱賢位中宮而配聖教豈有定  
年胡不長恭惟 皇帝陛下道盡人倫治贊陰教諒聖  
情之攸繫眷懿範以难忘功配九人迹可稽於彤管神  
游八極燕永阻於瑤池然而上奉兩宮下臨九有願上

寬於悲悼庶無爽於和寧

賀皇太子牋

廷揚大號位正前星肆赦以重承祧臨軒而備典禮慶  
廷宗社歡洽華夷恭惟皇太子殿下挺岐嶷之姿蘊  
寬大之德佩禮樂詩書之丕訓明君臣父子之大綱孝  
友行乎宮中仁智聞乎天下睿主義方而能教法不抗  
於伯禽嗣君嫡長而又賢護矣煩於四皓某官守已微  
神馳帝鄉仰日月山海之攸重喜七鬯粢盛之有守愚  
衷敢獻頌日近於正人聖孝益修當愈明於上性

慰皇太子表

人心所繫方聞出震之音天道唯知遽隕前星之耀計  
聞率土痛切輿情恭以皇太子殿下挺岐嶷之姿秉  
溫恭之德喜愠不形於色其心有容仁誼以飭其躬有  
儀可象護不煩於四皓斷自出於一人福善難憑降年  
何促恭惟皇帝陛下受鍾子聖仁薦父慈澤雖沛於  
金雞藥不灵於扁鵲諒肝食宵衣之際只問安視膳之  
思然修短皆繫乎天雖聖賢莫逃於數昭明有孝宜為  
梁室之儲子晉已仙願釋周王之念

評起居舍人狀

竊以起居之職言動是司若無筆而不書事有聞而必  
奏於清光為最近直筆而尤難非得名儒曷稱妙選  
臣李術淺陋性資狂愚上皇策之於布衣誤被親擢

陛下識之於潛邸首膺召除方居列宿之聯輒貳司成之教細書史館進說經筵皆李者之至榮豈臣愚之敢望蔑有寸效遽叨峻任必致可畏之言以速不才之咎仰祈睿眷追寢異恩俱愚分之獲安庶輿論之惟允所有恩命未敢祇受謹錄奏聞伏候 勅旨

辭免兼侍講

臣伏准 勅旨除臣兼侍講者臣聞命驚震罔知所措竊以歲輒屢迁者古人之所深戒身兼數職者通才猶不克堪臣近被召還濫官執秩與史館編摩之選叨露門講說之聯每拜命而若驚嘗力辭而不獲辰未再浹而遽貳左李翔總五易而躡墜右螭懼弗稱於一官可

更燕於兩朧况請讀方執經而入侍而記注常執筆而在旁各有攸司若何可攝將物議之不免謂聖恩之或私敢望睿慈追寢成命遴選碩季講聖人所親作之經庶俾愚臣專天子不自觀之史

辭免侍御史狀

辭免第二狀

辭免權吏部侍郎狀

臣今月十二日伏准省劄奉 聖旨除臣權吏部侍郎日下供職者臣緣今早上殿自劾不合力贊一陛下既復及委任張浚事乞罷臣侍御史之職仍賜竄謫今來得旨除臣上件職是求罪而得廷何以塞群議臣不敢

洪我兩是省劄已繳納尚書省臣今居家待罪欲乞春  
斷降出臣自劾之章使中外曉然咸知臣罪速正典刑  
以為臣子之戒

辭免第二狀上

辭免除集英殿修撰狀上

饒州乞祠狀上

辭免知夔州狀上

梅溪先生後集卷第二十二

啓

及第謝宰相

地借玉階恭上萬言之對名登虎榜濫居千佛之先揣  
分踰涯撫躬知愧竊以奏言試功者堯舜遺意臨軒取  
士者祖宗令規一新熙寧之科備見神廟之志謂三題  
不足發子大夫平日之蘊蓄而群策可以陳我國家時  
政之闕遺著為永彞以幸多士夫何首當時之選者無  
切直之論遂使擬進士之對者有阿諛之譏既波蕩以  
相承致源流之浸失近代尤甚澆風益滋大臣多忌而  
動有嫌疑孝者懷憤而莫伸搜槩物極必變道開始公



申嚴密之禁而務在令行防壅蔽之害而悉閑聖覽求  
忠讜則丁寧有詔第高下則寔褒有辭既當清明不諱  
之朝且得瑰偉非凡之士如某草茅賤子庠序無生由  
行藝以進升厠英髦而旅試俯慚俗李策無可取之二  
三仰惧天威事去欲陳之五六念交淺言深猶或不可  
非主聖臣賢其能有容龍匪怒其嬰鱗龜偶居於前列  
上自親擢受知不減於孫洪言畧施行悟意有踰於賈  
誼靜惟僥冒抑有黃緣茲蓋伏遇僕射相公以道事君  
無私應物蚤羽儀於法從茂著忠嘉今掌握於化鈞亟  
圖康濟坡露封章之請益開宸聽之聰獎勵進言得裴  
宏中之大体深衛譏政戒李吉甫之漏心蓋將植太平

張叅政綱

之基豈獨為諸生之賜某敢不益堅儒業恪守官箴勉  
來事之可為慕古人而有作不負天子惟殫精白之心  
願為良臣異奉周旋之誨過此以往未知所裁

陳樞密誠之

某官厚德鎮浮宏材拔萃為一時之耆彥聳百辟之表  
儀明以保身揖高風於赤松子任而共政繼前列於曲  
江公欲振起斯文於委靡之餘遂將順其美於聽納之  
際

某官稟純粹清明之姿富博洽宏深之學茂明大對擢  
桂林之一枝踐歷要途搏鵬程之万里夙膺宸眷進登

兵摧材兼文武而夷夏皆觀榮冠古今而縉紳景慕  
昔漸陽公之德化竊嘗聞夫子之文章方漸不肖其  
模何意克傳其衣鉢

楊侍郎椿

某官李極詳書文優四傑繩繩議論有眉山先生之流  
風籍籍聲稱繼閔西夫子之遺懿允矣儒林之冠儀乎  
從橐之班承師枕席而既被作成奏對楓宸而復膺推  
獎

李侍郎琳

某官模楷上流羽儀朝著分符便郡循良遠過於龔黃  
持橐從班儒雅同稱於班馬比膺詔綍親載文衡並委  
靡而振士風進忠讜以當上意

賀侍郎允中

某官為世儒宗握時文柄實杜牧於高第本崔郾之公  
心號李白為謫仙見季真之雅識為盛代而開公道蒼  
吾君而求直言遂致繆庸首膺選擢

劉侍郎才邵

某官學校舊人文章大手仁為已任典刑備著於老成  
道與時行德業兼全其久大峻班行於筆橐演誥命於  
絲綸主張斯文提撕後進

王侍郎傑

某官朝著老成士林碩望蚤被知於宸宸久更踐於禁

途出鎮侯藩謁黃霸循良之譽入司國計得劉晏取子  
之宜欲振起斯文於委靡之餘故將順其美於聽納之  
際

陳侍郎康伯

某官器粹瑋璋孝深淵海蚤著士林之望亟膺宸眷之  
知高玉山恬養之風久淹琳食復紉崇清華之舊超冠  
天官欲振起斯文於委靡之餘故將順其美於聽納之  
際

張侍郎

某官學海淵深量陂宏大蚤著士林之望久膺宸眷之  
知居務論思豈獨得舉陶之理發明仁恕蓋能紹廷尉

之平欲振起斯文於委靡之餘故將順其美於聽納之  
際

王舍人綸

某官心醉六經名先四傑詞章典雅有漢朝制誥之風  
衡鑑精明繼宣公考校之盛振起吾道主張斯文遂令  
舉首之榮濫屬宗盟之末

趙舍人達

某官挺秀坤維結知天眷策名龍首茂騰四海之英聲  
執筆螭頭益厚一人之寵遇振起吾道主張斯文遂令  
射策之諛聞輒繼傳衣之盛事

周舍人麟之

某官巍擢異科荐更要職黼黻河漢祠章不減卿雲羽  
儀天朝人物有如晉宋振起吾道主張斯文遂令葦爾  
之才輒玷褒然之舉

孫少卿道夫

某官挺秀岷峨騰英庠序揆黼黻之文於方冊藹穆  
之詠於蕃宣瑣闥來歸快郎星之先覩曲臺進擢仰鄉  
月之清輝比掌文衡親承御札哲鑑獨高於衆目狂言  
特薦於匹夫幸出自天恩歸無地

周侍御方崇

某官剛毅不回精忠自守雍容禁近筮鷺鷺而接瓊龍  
排繫姦邪若鷹鷂之逐鳥雀比膺詔綍親職文衡猥收

狂率之言上副 聖明之旨

王殿院珪

某官受氣剛方立朝挺正位升橫榻益揚蹇諤之風望  
著中臺克盡糾繩之職力主張於公道務振起於斯文  
遂致妄庸叨膺選擢

凌司諫哲

某官勁持不回端方自守直言中病有王魏善諫之風  
奏稟屢焚無管晏暴君之失力主張於吾道務振起於  
斯文遂致繆庸誤膺選擢

王郎中剛中

某官問李淵深氣節洪毅楓宸射策名切亞於龍頭蘭

首懷香望獨高於鶴序惟文柄之有屬体上心之欲求  
揭以平衡志不回於馮宿借之褒充言有死於劉晉遠  
今舉首之宗濫被宗盟之末

孟郡王

秉官器粹璵璠慶傳珪組襲亞聖大才之儒雅光隆祐  
奕世之德勲政邁龔黃作股肱於藩郡望高陰馬資肺  
腑於懿親方詔復蓬萊之遊俄榮拜瀛洲之長有光吾  
道將振斯文遂令菟瑣之流首被甄收之列

與紹興趙殿撰令詔

假道治封曾快瞻於趙日劾官幕府遂託詞於蘇天是  
迄有期雀躍良甚恭惟某官宗盟擢秀桂籍揚芬蘊無

施不可之才著所至有聲之績儒雅昭同於歆向德名  
無愧於間平將命外臺威動南閩之山嶽分符巨鎮謠  
興東越之誇濡州茲會計之邦實號蓬萊之地俯臨禹  
迹仰切堯階為二制之雄藩總七州之生齒既近而大  
有如此非親且賢其孰宜坐收作牧之功克壯維城之  
勢治優方面姑為分陝之召公心在朝廷行作相周之  
衛武某東嘉白屋太孛甄生慙無董相之文偶擢平津  
之第向來披霧識金枝玉葉之標此日望塵與綠水紅  
蓮之各材自慙於樗櫟賜端賴於忻懽尚期國士之知  
庶免簡書之責窮禹穴稽山之勝竊效馬廷賦鑑湖秦  
望之奇願陪元稹

與邵提刑大受

慎水望塵幸識紫芝之眉宇稽山允哉願登元禮之門  
墻行遠息茲預深雀躍恭惟其官道備德美材通器闕  
職史中外而所至有聲節著險夷而無入不得方天子  
重外臺之寄以星郎摠列郡之權幹山海之歲劉晏明  
於取予聽獄訟之會不疑多所平反已觀報政之成矧  
復去天之近文帝受釐宣室又有所思望之雅意本朝  
寧勞于外如某者篤葦臺末喬槐市鯀生慙無董相之文  
偶擢平津之第紅蓮綠水方期遠宦於秦淮手板青衫  
茲幸近遊於禹會昔快披雲之願今諧執御之私從政  
未優何止受東諸侯之約束資身無策更當借部使者

之吹噓

答蕭山宋知縣敷

厠迹縉紳稔服箕裘之譽効官藩府偶同州縣之勞雲  
披未諧山仰弥甚某官中朝大族當代偉人世著才名  
喜景文之有後業傳清白得廣平之遺風暫淹万里之  
鵬程聊試一邦之牛刃下車未久製錦已優願動撫字  
之心益著循良之治坐見鳴琴之化無規魯恭行膺褒  
德之封有同卓茂

答嶧縣丞

窮居慎水未遂識韓易任稽山竹將訪戴某官人材瑰  
異吏事優長暫淹千里之騰驤來贊一同之教化元刻

谿蘊秀之地貳令為難以博愛德學之賢負丞何有不待報政行膺美除

答上虞陳縣尉換

隸業賢閔共十載壘益之苦効官藩府分一時州縣之勞結同舍之金蘭對尺書之面目披雲有自傾蓋可期某官種學淵源負才卓犖馳英聲於槐市擢榮華於桂林白面紅顏矧作神仙之隱吏金章紫綬行為臺閣貴人輿論所期私心尤祝

答來司戶師韓

厠迹縉紳雅欽高譽効官幕府遂獲同僚未遑尺牘之修遽辱明緘之及某官家声素著吏宰窳優州縣勞人

姑為阮瞻三語之場文武有種行繼李唐四子之風靡待政成佇膺詔擢

與都提舉繫

伏審光被宸恩榮持使節輟握蘭之高選臨製錦之舊遊除目初頒提封交慶恭惟某官喬傳臨晉秀挺丹陽早收科第之榮屢更州縣之職學無入而不得治所至而有聲帝謂儔若予工姑暫勞於作匠官雖上應列宿寧久困於為郎方清朝重外臺之權以大賢膺列郡之寄后稷居播奏之職能懋廷於有無劉晏幹山海之歲宜益知於取予第恐宸心之念賈伋聞詔墨之召參誓屈使軺即持從橐

與安撫王閣學師心

伏審光膺宸命榮發大藩輟喉舌之近司界股肱之重  
寄除音初布輿論文歡恭惟某官望重三朝才高列辟  
學通今古而無人不得任更中外而所至有聲進長天  
官帝命素優於出納屈臨方面王畿允賴於藩宣矧茲  
會計之邦實號蓬萊之府俯臨禹會仰切堯階為二浙  
之雄都揔七州之生齒既近而大有如此非勲且賢其  
孰宜坐收作牧之功益著惟良之績越國之人方瘖上  
之委任固非輕漢庭之位尚虛公之來歸其非晚某備  
自幕府託此悵懷民事未知寤寐敢忘於天語仕途初  
筮吹噓端藉於宗工

賀趙侍郎令諫

伏審光奉宸命榮任地官親賢見用於朝中外罔不相  
慶某官玉牒歌回朱幡趙張豈惟標準於宗支固甚練  
達於吏事使輶轡駕四輿闔十好之謠符竹荐分繼劉  
寵一錢之譽果蒙親擢魏領貳卿方因廩之未豐在版  
曹為元急省用斯能足用生財莫若節財願於論思獻  
納之時力陳本末源流之計贊漢文之儉德革唐室之  
私藏無若延齡援經誼以惑主宜同李絳不進獻以結  
恩要令粟腐於太倉罔使錢泄於異境主聖如此公言  
必從坐收取予之功行處兩諧之任其叨與幕府獲依  
大賢雖贊畫有愧古人然至室必以公事性素薄於愚



直事每荷於寬容顧虞翻之榻猶存由象與下想元孔  
之門元峻未遂重登輒整微誠遙馳尺牘

謝王舍人剛中

伏准照牒舉某自代者貧畫東州仰藉宗盟之庇判章  
西掖誤蒙國士之知寵過褒褒銘深肺腑竊以官居侍  
從則或在薦士識誕特達則心能及公顧雖自代之虛  
文必引所知之同類歐陽持素以器識而推己東坡視  
草以文行而舉黃軫由臭味之同遂有齒牙之信不事  
請託自膺薦揚如某者學最空疎文尤荒陋偶中楓宸  
之第叨為蓬幕之賓民事未知惟恐有負於天子王言  
是代豈期見舉於公朝望外蒙恩顧間增愧茲蓋伏遇

某官學貫經史文成訓謨有江左河汾之風流如嘉祐  
治平之人物得用捨行藏之正氣不下於權臣當論思  
獻納之秋舉輒先於寒士遂令庸繆妄辱品題某敢不  
益勵操修無忘許與求之以文而應之以實端拜贈言  
勉其不逮而增其不能用酬知己

答王宮教必中

備負幕職雅懷慕蘭之誠闡教官庠行遂識韓之願遠  
勤緘翰仰佩撫謙某官望重江南群空集北芹宮得雋  
實多士之宗儒棣萼齊名皆一昔之人傑式觀介弟之  
器識仰見難兄之範模將儀表於天朝姑作成於宗子  
庶俾神明之裔陶成信厚之風

答周主簿賀正

行夏之時允協三陽之應履端於始光膺百福之來德  
荷過謙禮象倒置某官望隆越絕秀蘊刻豁鵬躍天池  
偉矣周郎之年少鷲棲枳棘蔚然仇覽之才華某叨預  
同年獲伊巨庇賦椒花之訟獻雖後於元正占茅茹之  
文其必同於他日

答慈溪姚知縣應辰

昔登蕃榻雅蒙眇昧之私茲宦蠡城首辱緘封之賜俯  
增銘感仰佩謙冲某官操行繁修性資深厚克振箕裘  
之業荐更州縣之勞斯立不負丞吏寧容於摘紙子將  
善為宰治何勞於割鷄課鼠已聞召擢伊邇某濫塵科  
第叨與幕僚顧僥倖之為多實獎提之有自報鯉書之  
太晚負負何言瞻鳧馬之匪遙拳拳不替

與徐提刑度

伏審光膺宸命榮總憲綱政已報於江東臺復移於浙  
左快覩除日慶溢部封恭惟某官天賦材猷家傳事業  
蚤登群玉之府上應列星之經輝棗壘於一門結棠陰  
於兩郡方外臺之寄為甚重非識治之材其孰宜劉晏  
理財何止為管籥之亞有功治獄當遠過于張之賢暫  
屈使輅佇持從橐某漢庭竊第越幕備負民事未知有  
負一聖天子之明訓仕途初筮尚期部使者之寬容

答會稽錢知縣

宗官家傳忠孝世襲蕃纓治所至而有声才無施而不  
可別會稽之大邑實吳越之故封先王之遺愛尚存百  
里之良民易化况舊令尹之治方結於去思聞今大夫  
之賢益快於先覩靡俟報政佇膺迅除某竊第懷慙備  
負亡補幕中贊畫叨為王儉之下僚堂上鳴琴行觀翠  
文之美化

謝王安撫

伏准照牒舉其應四條旨揮者楓宸射策濫居多士之  
先達幕效官誤玷四條之選感深肺腑愧溢面頰切以  
國家廣教路以既人神聖集晨賢而共理既以進退黜  
陟之權畀之宰相吏部又以按察舉刺之職委之郡守

監司逮元祐之乘簾起大儒而當國舉直措枉紀綱既  
正於朝廷激濁揚清除目載頌於郡縣去苛佞貪懦之  
四害恥仁明廉直之數長議雖建於當時事始行於今  
日首膺茲選若唯其人如某者素無技能偶竊科第贊  
畫雖久膏然民事之未知忤意何多嗟爾人言之可畏  
息未酬於親擢期甫及於終更退而自顧則寸無所長  
進欲有為則尺未嘗枉譽誰肯借况無韓子之三書薦  
不侍求忽拜山公之一字靜惟僂肩抑有夤緣茲蓋伏  
遇某官一代宗儒三朝耆德入處天官之長出居方伯  
之尊循良愛邁於龔黃實允厚昭同於婁郝雅意本朝而  
忠可見嘉猷我后而人不知建文正之祠用清白以規

下行溫公之議薦賢才而報君遂致繆庸亦膺甄錄其  
敢不益持士檢恪守官箴懷惓惓賦明之忠勵蹇蹇王  
臣之節就有道而正己為可用以待時朝拔一人而莫  
拔一人叨與取尤之列待以國士而報以國士敢忘知  
已之恩

荅諸暨王縣尉萬章

地處甌閩叨與宗盟之末職分州縣獲同王事之勞首  
辱明緘仰欽厚德某官才高四傑望重三珠騰槐市之  
英聲擢桂枝之高選東州蒞仕暫宣綵捧之威當守急  
賢行應紮泥之詔某備員亡補竊食懷慙泛綠水而依  
蓮倦游儉幕具扁舟而把釣欣遇梅仙

荅邵縣尉謝祥

戰藝清臺登名天府魏中有司之選仰欽所業之精縉  
紳登觀縫掖歆慕某官群空魚北風繼召南試混諸生  
不作衛公之耻材優萬中果騰張鷟之聲富貴殆將逼  
人科第何足恩子佇從山吏徑到蓬山某叨與同僚獲  
觀盛事都騎顧我端繇臭味之同長綫拜嘉輒請報投  
之好

荅陸祥元謝祥殊

得雋文場登名天府巍亞褒然之舉仰欽卓爾之才鄉  
詳甚休言論無異解元雲間馳譽筆下有神明既通知  
遠之經工篆刻彫盡之技處囊脫穎何止定平原之從

射策決科行將擢公孫之第某備數幕客獲觀萬言篇  
喜京州之有人預期南省之得士

荅高解元謝解

游翰墨之場後司子美登賢能之籍名繼牧之有司甚  
明士論無異解元家言韓魯經李義文手劍登壇作平  
原定從之客筆鋒鏖戰鏖澶淵却敵之風鼓勇春闈唾  
手獲第

荅諸葛解元謝解

游翰墨場雅負少陵之志登賢能籍兼聯少阮之名鄉  
評甚休士論無異解元譽擅文虎風傳眈龍明溫柔敦  
厚之經工篆刻彫蟲之技處囊脫穎何止定平原之從

射策決科行將擢公孫之第

荅周主簿賀冬

日遵南陸君子之道方亭律應黃鍾天地之心可見筆  
迎長景榮邦短歲某官學不止於決科材已優於為政  
寫鳳樓枳棘暫淹州縣之勞鵬鷲在秋天行赴功名之  
會顧一陽之初復茂百福以來綏某托庇同年竊祿仙  
里登觀臺而空方執筆以書雲懷剡溪之人欲擊舟而  
興雲

荅孫通判

觀喬木而思世臣雅欽席望泛紅蓮而將幕府叨與下  
僚第云官之匪遙恨事賢之太晚明緘下拜謙德有光

某官挺生相門妙有家學與公之才名冠世親得其傳  
叔教之陰德在人固且有後先正亡而象賢在權臣死  
而公道行宜相繼於鳳池寧又淹於驥足行自別乘榮  
躋要途某竊第懷慙効官無補贊南陽洪農之畫有愧  
范岑賦監胡秦望之奇願陪元寶

除館職謝宰相

右某蒙息授前件職者泛幕府芙蓉之水吏責幸逃登  
道家蓬萊之山息光誤及俯慙諛學濫與英躔竊以地  
號西崑象符東壁兩京事實石渠天祿東觀皆其名一  
代人才劉向揚雄班固為之傑逮我有國允清此途名  
無三館之崇事異群司之比書藏延閣富不減於開元

入到瀛洲榮愈加於正觀有下筆如神之士無上車不  
落之流器業於是乎成公卿多自茲出雖曰文行素著  
科目最高必俟大臣之薦論斯用故事而召試力可求  
而得者則禁其私請書不程而命者蓋出於異恩韓魏  
王奮自甲科猶薦而後召蘇內相擢孫制舉亦試而後  
除孰謂不才乃叨殊選伏念某性資愚鈍術業空疎野  
三舍於廣場屢焚筆硯終一星於太學始脫蓬蓋瞻天  
顏咫尺之威借玉階方寸之地初乏茂明之對偶膺  
親擢之榮誦言豈逮於劉蕡試吏僅同於蕭傳固章効  
太史之探穴然未若中郎之得書期方幸於及瓜言旋  
棄梓坐靡容於暖席遽奉絲綸晚迹諸侯之賓觀光群

王之府識曷堪於是正誦寧免於何如魯三威七穆之  
未知豈八索九丘之能讀堅其所守而已佩 聖訓而  
不忘非爾其誰居之拜 王言而增媿茲蓋伏遇 國  
史傑射相公事業搜高文章訓謨寅亮天地弼予一人  
端能得宰相之體旁招俊乂列于庶位將以立太平之  
基好賢每過於緇衣下士周遺於白屋况內以國本未  
定之為念外以敵情不測之是憂陽非衆則曷能勝陰  
文不修則何以濟武 神聖以安危注意社稷之輕重  
鑿公 無說維人大亨以養一舉得無天之翼燕收取敗  
鼓之皮謂昔嘗涵於文衡故今復歸於化治其敢不芸  
披盡簡燭照神藜讀黃香未見之書覬聞大道行宣公

不負之學願事聖君過此以還未知所措

陳右相

志存社稷身任股肱宰相以鎮撫四夷莫予敢侮才夫  
當掃除天下舍公其誰謂事君莫如以入故在上必引  
其類

王樞密

有仁者之勇以直道而行幾微不見於面顏精神折衝  
於樽俎忠義有激太山其一擲之輕議論所加敵帟增  
千金之重

葉樞密

養以剛大動惟直方正色霜臺掌落李祐之膽決勝籌

幄必寢淮南之謀謂事君莫如以人故在上必引其類

答梁状元

漢廷多士策董相以天人閩產異才榜歐陽於龍虎雋  
聲藉甚輿論翕然伏惟状元譽重泉南群空異北鄉薦  
屢居於前列士流咸伏其下風繇蘭省以魏登造楓庭  
而旅試論列歷代則深明治体條陳三弊則成切時宜  
有司第其文實在三入之列天子異其對擢先萬國之  
英富貴行將逼人科第固已恩子願行所學以報吾君  
某切與周盧獲觀大對備晁孫之盛事 屬灝固之名家  
第欣首聽於傳臚詎敢妄論於衣鉢都騎顧我端絲臭  
味之同長牋拜嘉輒請報投之好

答許状元 克昌

欽雅望於月評簪纓世襲冠雄文於策士衣鉢家傳輿  
論翕然雋聲籍甚伏惟状元種學良苦摘詞最工試屢  
混於諸生不作衛公之恥文四舉於禮部始成韓子之  
名建茲旅奏於廣廷果能展盡其底蘊問當今之務則  
固悉陳其大体論歷代之治則以為無所容心故事有  
拘雖屈居於王後大名已著其誰能與許爭行所學以  
事君踐斯言而正已佇從仙吏徑到蓬山某備員殿廬  
欽閱廷對竊喜鴻臚之唱首傳太嶽之孫慶熙朝之得  
人辱都騎之顧我銘感謙德嘉臭水之相同珍藏盛文  
之瓊瑤之足報



後漢一  
十七  
谷丁狀元時發

廣廷待問竊喜朝陽之鳳鳴平地登仙咸羨遼東之鶴  
此輿論甚美斯文有光伏惟狀元挺秀海陵蜚聲天闕  
文掃科舉之習言懷明弘之忠以元氣之盛衰喻國體  
之治亂論一國一代一時之政有寢明寢昌寢微之風  
如使生漢文之時諸老其孰先賈誼假令居李唐之世  
有司必不第劉蕡因吾子之敢言見清朝之不諱願據  
素蘊以事聖君某叨與周廬欽閱大對喜皇朝之得士  
知天下之有人聽臚唱之傳增縉紳之氣都騎顧我譬  
草木臭味之同長歲拜嘉之瓊玖報投之好

谷南劍州王守密

備負冊府誤叨佐議之榮託庇宗盟重拜朋緘之貺俯  
慙僥冒仰佩謙冲其太學鯨生東嘉冷族折蟻宮之柱  
濫廁薦紳泛幕府之蓮獲事君子幸逃罪戾荐被寵光  
燭照神藜與英躔之末選書紳金匱專史筆以何堪拜  
命若驚蒙恩有自某官家傳政學天賦材猷半刺東州  
聊展騏驥之足一麾南郡行歸鴛鴦之行不棄故僚曲  
加厚禮對尺書之面目如見德容望千里之門墻莫伸  
謝臆

谷温州詹通判亮可

歡騰梓里共稱半刺之賢祿竊蓬山遽拜朋緘之貺俯  
懷愧悞仰佩謙冲某官秀挺玉山望隆渤海訓早聞於

詩礼業不墜於箕裘先正言居宣政之間凜聞風采賢  
別乘貳濠温之郡蔚有聲名初登感彩之堂首蒼霰帷  
之治龐士元騎驥之足庸能久淹謝康樂山水之州固  
已改觀况聖君懷故國之喬木而太史有封事之甘棠  
必起象賢以慰輿論某東嘉冷族西觀小官喜父母之  
邦得神明之吏對尺書之面目如見德空望千里之門  
墻莫伸賀臆

答樂清徐令森

牛刀再鼓鳥鳥選臨喜子晉之江山得偃王之苗裔首  
拜朋緘之貺仰知謙德之光某官天賦吏材家傳政術  
卷將仕路飽請閩浙之風荐縮銅章盡得温台之地

况此樂成之小邑有同臨海之近州吏苟非賢人亦好  
訟允賴循良之治痛懲貪鄙之餘覩已爭先來何太暮  
某蒙恩補外需次還鄉幸父母之邦得神明之吏見書  
中之面目已得其人聽堂上之絃歌願觀其政

答曾知郡汪

竊第奉常雅資博約備負冊府端藉吹噓敬觀褒借之  
詞仰佩謙光之德某官心傳一貫名繼三曾學探天人  
庸止文章之富才宜臺閣詎容州縣之淹昔游宦於樂  
成最留心於鄉校經橫絳帳躬率諸生遂能於數載之  
間翕然變百里之俗弦歌滿邑化端自於言游龍虎成  
名功實歸於常袞遂令愚繆亦與作成某敢不益勵操

修用酬知遇對尺書之面目如際高標詠雙柱之篇章  
寧忘盛德

與梁司諫

伏審光膺親擢榮陟諫垣方朝廷多事之秋承風俗積  
弊之後內有群陰之壅蔽外有強敵之憑陵當言者不  
言而惡人之言已嘗斥立仗之馬今日乃何日而不鑒  
昔日其可忘覆轍之車茲幸正人進當言路固宜犯顏  
而首論大事毋用削橐而務為小忠天子以為是諫官  
以為非言嘗聞於前輩君子有所恃小人有所畏人皆  
望於明公庶幾無媿古者之七人斯能上繼先朝之四  
諫某受知有素贊喜尤深輒獻狂瞽之言以為蹇諤之

助

答賀封贈

色慘松楸思親不見恩露泉壤拜命增悲媿謝臆之未  
據辱賀賤之先及其為感激罔罄敷宣

答樂清洪縣丞藏

詠南國之甘棠久思召伯對藍田之鉅竹喜見崔丞朋  
緘寵貽謙德加厚某官心傳家學天賦吏材挺挺有祖  
風翩翩佳公子先尚書承流宣化遺愛猶存賢貳令種  
學積文負丞何有贊一同之教化繼八座之箕裘靡待  
政成郎膺詔擢某鄉評下士祠祿冗官喜父母之邦得  
神明之吏視印未久已驚鳧鷖之行掃門有期一快鳳

星之覩

與張侍郎闈

伏審光膺宸命榮貳冬官侍帝幄以橫經極儒臣之高  
選恭惟某官抱器遠大稟資直方昔游天府而讀異書  
首忤權臣而歸故里二十年不調節尤著於固窮五百  
歲相逢力蓋繇於稽古燕公乃東宮之舊番侯為帝者  
之師願於論思獻納之時力贊剛明果斷之志登衆賢  
而開治表慰四海之想中興此多士所望於公非小子  
敢私其貺倚頌大拜式慰輿情

荅新昌李縣丞結

聞諸公文譽願登元禮之門見千里尺書已識泰和之  
面第朋緘之禮太厚致下拜之容有慙仰佩謙謙俯懷  
粟粟某官元精華胄河洛名家摘光豔於唐翰林文固  
有種探淵源於周天下學豈無傳豎工五色之詞宜繼  
八埒之譽戰則必克恥混試於諸生丞雖負于帥貳令  
於一邑雅負經綸之業豈淹州縣之勞佇自松廳徑躋  
蘭省某方竊祠廩誤膺郡音退惟篋笥之餘諒自吹噓  
之素登會稽而觀禹穴雖歲月之不同夢春草而思謝  
池顧精神之已接

梅溪先生後集卷第二十二

梅溪先生後集卷第二十三

啓

谷口喻提舉携

備負槐市濫接英游靴筆矯切誤膺親擢與史館編摩  
之選叨經帙講讀之聯才素乏於寸長身曷堪於數載  
靜惟僥冒端自吹嘘其官一代宗師四方儀表飾吏必  
以儒者之術宜其有聲育材而得天下之英可謂至矣  
傳衣鉢者不知幾輩登門闕者皆第一人觀其後士而  
得充知其樂人之為善遂致狂妄亦蒙獎提見千里面  
目之書寵已華於袞繡記一人言動之實庇方託於併  
懽

荅樊提刑光遠

誨諸生於館下濫與英游職內史於螭頭誤膺親權  
與編摩之選仍叨講讀之聯才素乏於寸長身曷堪於  
數載息踰望外媿溢頽間某官諸儒範模群吏師表道  
聲名於蘭省從耳風采於柏臺帝嘉共理之良治務惟刑  
之恤師吏以儒者之術存心得君子之仁比斗大山學  
者咸仰殘膏賸馥後人悉沾師友之選極一時詩禮之  
傳有二子誦高文於方冊未窺夫子之墻論未契於年  
家端在丈人之行故茲僥冒實自吹噓

荅温州莫守伯虛

某官天賦材猷家傳政學輟列星之高選在二折之名  
邦况先大夫有遺愛于此州而賢刺史復共理于今日  
變千里歎愁之俗繼萬民安樂之謠凡居蔽芾之陰率  
被旃幪之賜故茲僥冒端自吹噓

荅木状元待闈

竊以君子六千人定霸成期於一戰扶搖九萬里冲天  
遂冠於群飛真國士之無雙誠後生之可畏大名藉嘉  
輿論翕然狀元氣稟東嘉心潛西洛探繁靜精微之首  
工雄深雅健之文蚤蜚泮水之聲巍拾計臺之薦奪魁  
蘭省賜第楓宸銜錦標而掃事端同於盧肇成赤壁之  
捷年正類於周郎振賦海之名家符漲沙之勝地極書  
生之榮而還故里盡人子之樂而奉双親水綠蓮紅好

暫游於侯幕水清玉潤行同集于鳳池蔚為邦國之光  
奚止鄉閭之慶某壘壘舊業梓陳人濫陪鸞鶴之盛  
親覩鯤鵬之化世當漢武而異人輩出非遇特焉致此  
乎才非靈運而作佛在先然其年不可及矣科第既以  
恩子富貴行將通人願不負於君親當相期於遠大

荅黃狀元洽

賢閔校藝雅欽江夏之無雙蘭省掄材巍處冒山於第  
二雋聲藉甚輿論翕然狀元名間綺園才優盧駘翺翔  
乎教化本原之地沉潜乎疏通知遠之經說若稽古何  
必三萬言讀武成篇惟既二三策見蕩蕩巍巍之為克  
舜知灝灝噩噩之曰商周尚借玉階必陳三陣之要俯

拾地芥豈惟一經之明尚淹卓爾之才僅亞褒然之舉  
况閩有異人而素先虎榜黃為著姓而爰出龍頭綽有  
家風蔚為盛事某壘壘舊業場屋陳人濫陪鸞鶴之群  
親覩鯤鵬之化喜太學得人之盛快真才擢第之高願  
不負於明君當相期於遠業

荅立狀元崑

賢閔戰藝筆屢掃於千軍蘭省掄材名遂參於三傑雋  
聲藉甚士論翕然狀元蘊秀江陰蜚英浙右蚤游天子  
之學獨抱聖人之經固嘗浚井而得泉奚止屬評而比  
事明一王之旨兼取左氏公羊高毅梁赤之長觀三策  
之文庶幾晁錯董仲舒公孫弘之對魏折蟾宮之桂首

探杏園之花衫鬢方青富貴已通

谷莫守賀冬

伏以氣肇黃宮天地之心始見日行北陸君子之道將  
亨某官治有先大夫之風民樂賢師帥之政茂對一場  
之復歡騰千里之謠某待次衡門阻趨賓宇遽拜緘封  
之賜倍增感愧之懷

谷溫守袁正言序

襜被殿廬蓋適我願兮之始懷章里閤正事其賢者之  
秋曾族賀之未遑遽朋緘之先辱俯懷愧懼仰佩謙冲  
某官蘭省魁儒芹宮哲匠卓矣聖賢之學粹然道德之  
容議論同乎古人文章蓋其餘事方權臣用事之日官

冷廣文選

聖主當陽之初席前賈誼擢自臺察處于  
諫垣言人之所甚難行吾之所素蘊首破和議力摧奸  
謀有著龜先見之明凜松柏後凋之操君子以謂古遺  
直天下稱為真諫官十上固爭挺袂安忠正之節一麾  
出守得謝公山水之州上方念之公其歸矣某蒙恩去  
國需次還鄉喜父母之邦得神明之政汲長孺雅嘗慕  
益臭味本同王仲宣茲幸依劉併懽可托

谷饒州蔡通判

麾出守迹濫厠於九賢同官為僚治實資於半刺禮  
過於厚緘來以朋共惟某官世襲衣冠家傳詩禮學古  
然後入政修身乃能治人宜所至之有声諒無入而不



得展龐統騏驥之足貳番君山水之邦靡行終更即膺  
迅擢某誤被宸命濫持郡符雅聞別乘之賢喜見天書  
之面通家自今日行登元禮之門異才非王孫誤倒蔡  
邕之徒

荅彭教授龜年

一麾出守分符濫繼於九賢同官為僚問政尤資於半  
水禮過於厚緘來以朋某官秀稟丹丘名高太學擢千  
第之科第有二難之弟兄學探聖賢而志益勤文高流  
輩而進未艾碩此番君之故國實維筮仕之舊游昔宣  
彩捧之威今長杏壇之教諸公稱其博治多士資其範  
模已遂終更佇膺召擢某濫被宸命誤懷郡章自慙么  
麼之資輒拜寵褒之賜及承已久莫諧聯事之歡行李  
尚留庶有見賢之幸

荅池州韓守元龍

符分鄰壤未登元禮之門書拜朋緘如見荊州之面禮  
過於厚分何以堪某官生自相門妙有家學業襲簪紳  
之舊才傳經緯之餘小試銅章茂著循良之績榮持使  
節深知取予之宜咸嗟驥足之以淹姑畀雄藩而共理  
皂蓋東游而邦人共喜黃堂坐嘯而郡政自平罔俾文  
公專羨袁潮之政寧容子厚獨稱曄泰之賢靡詩終更  
佇膺召擢某才居下下志在休休有慙江左之家風誤  
辱楚東之名郡撫封不遠願修接境之歡甲子雖雌敢

論同庚之契

荅新靖州杜守明倫

守番君之國願庸繆以何堪遊鄭公之鄉依仁賢而甚  
幸禮過於厚緘來以朋共惟某官名重楚東氣鍾杜固  
習家傳之詩禮富天賦之材猷自部章之既懷惟吏事  
之是究居邦必聞政稔觀九賢之風學道則愛人優為  
千里之治預懷杜母之德想見靖人之心次已久需來  
何太莫集科名濫竊符竹誤分自慙么麼之資仰荷吹  
嘘之賜見尺書面目固已知賢登通德門闢行將承教

荅白待制

某官達事三朝崇祿次對典刑猶在有靖康賢相之風

文采可觀本長慶詩豪之齋奉真祠於番水繼高躅於  
香山願養遐齡昂來多福况聖君思故國之喬木而先  
正有克家之象賢行以蒲輪召還荷橐

荅沈運使樞

符竹濫分方託併懷之庇鱗鴻遠屆遽頒面目之書盛  
德謙光明緘過厚共惟某官學傳既濟文繼東陽柏臺  
飛半豸之聲蘭省應列星之象七閩持憲了無囹圄之  
寃兩地効官潛贊廟堂之畫方聖主重外臺之寄以大  
賢居特漕之權洞曉利源錢已流於地上深憂時事虜  
其見於目中宣室興思蒼生望起某天資不敏吏事尤  
疎臺評類韓愈之說說治考同陽城之下下罪甚多矣

部刺史想必能見容行或使之賢大夫恐不得終事

答陳總幹損

稽山遊宦屢修同舍之歡番水得書如見故人之面札過於厚緘來以朋某官氣稟劍津名蜚魏市然膏油而讀紙上語取科第如摘領底髭弟兄可謂德星世家不忝忠肅昔宣威於吏隱今贊畫於總司績效有聞富貴將逼某誤膺宸命濫把郡麾託末契於年家借餘光於幕府願與此群空之馬致千里以奚難同江東日暮之雲對一樽而未遂

答賀樞密

伏審光膺帝制榮陟元樞播告之初迹遐胥慶共惟樞

密參政白首一節赤心四朝爵齒德俱為可尊直剛人得其所養昔馬勇退無愧鑑湖之高今也來歸不異蟠谿之起願用舍行藏之際實安危治亂之機大臣以道事君春秋責備賢者不出則已必有可觀願如魏鄭公展盡底蘊咸望謝安石大慰蒼生茲輿議所期於公非十朋敢私其祝

答趙通判

一麾出守至仁仰戴於堯天同官為僚可愛欣逢於趙日札過於厚緘來以朋某官窺折桂枝榮縣玉葉振振周家之公子捲捲漢室之忠臣為善最樂而得於家傳稽古入官而非以政學姑屈神明之胃暫淹州縣之勞

番君得江湖心聳令茲邑麗統展騏驎足來監此州行  
廷宗英入扶王室某誤息得郡亡術治民閱三月而政  
未成思九賢而夢不見喜可知也幸王事之獲聯爭先  
覩之與邦人而共快

答樂清權縣求司法

平寬守法雅聞三語之賢悻悻攝官優布一同之政札  
過於厚緘來以朋某官天賦吏材家傳政學子公世有  
隱德釋之獄無冤民考已及於書三人成思於借一藁  
爾樂成之小邑久哉令尹之乏人貪有至於賊民懦或  
聞於畏吏口菊金而守明府有類真源律大法而礼人  
情茲逢卓茂允賴循良之治來綏凋瘵之民覩必爭先  
之飛李

答荆南李太尉

聞猶失喜其遠游江左承之楚東萃父母之邦得神明  
之吏故鄉雖遠未聞言偃之絃歌扁興已濃及見河陽  
之飛李  
適變子之邦方將問政識荆州之面何待封侯某官裔  
出隴西群空冀北稟漢將無父之氣懷周臣不二之心  
邁方畧於孫吳為國家之英衛受知於上屢持大將之  
權開府于荆益重長城之寄勇不敢動時方賴公某之  
任遠邦假筮重鎮觀尺書之面目喜其可知聞萬福之  
威名見已大晚

答歸州周守

吉迹相聞同處浙江之左封疆非遠並遊巴蜀之東  
來以朋禮過於厚某官詩書奕世簪綬傳家挺秀氣於  
三衢馳英志於列郡展騏驎足嘗佐苗人之邦分銅虎  
符遣臨楚子之邑化已形於千里治未及於期年更不  
俟終召其非晚某備員番水易任夔門將候道以觀風  
且登堂而問政面目之書已見喜得其入唇齒之邦是  
依言歸于好

荅周運使

行或使之難方歌於蜀道喜可知也夢已見於周公詞  
觀三峽之流書觀千里之面禮過於厚緘來以朋某官  
姬蘇傳芳坤維挺秀文非少而且重厚藝雖多而不吝

驕才學俱高子雲相如之徒也名德兼著君平仲元其  
人歟藹蜀郡之鄉評最普慈之治績方聖主圖中興之  
業以大賢居將漕之權屏使節於一川揚仁風於列郡  
以身化下小攬轡之范滂用義理財鄙流錢之劉晏矧  
輿議之素厲豈計臺之久淹更不待終召其非晚某備  
員番水易任夔門將入境以觀風且登堂而問政此王  
尊之取險不憚於登天依常臯之賢易端同於履地

荅查運使

三峽倒流難敢辭於蜀道一麾出守此端賴於蘇天荷  
友義之素敦媿朋緘之誤及禮過於厚情何以堪某官  
先朝名家今代人傑然膏油而讀紙上語取科第如摘

頷底髭學兼通於古今才兩備於文武明目張膽陳治  
亂於天子之前論將談兵贊籌畫於元戎之幕鞅握蘭  
之高選膺將漕之重權弭使節於一川揚仁風於列郡  
飛芻輓粟姑心計之暫勞簪筆尚囊諒超迂其非久某  
備員番水易任夔門首蒙千里之書喜見故人面叱  
王尊之馭殺孝子為忠臣依常臯之賢視青天如平地

答吳參政

一麾出守蕃宣監處於上游同官為僚謀議乞資於先  
達禮過於尊緘來以朋某官場屋舊人江湖名士身荐  
歷於中外學兼通於古今登科五十年親見先朝之盛  
搏風九萬里上至列星之躔凡後來待荷簪筆之流皆

前日含香握蘭之選孰謂諸侯之賓客乃屈四朝之老  
成更豈待終召其非晚某自番君之國易夔子之邦久  
遠數仍之門墻忽見天書之面目以幕府而待杜老豈  
同嚴劍南避正堂而舍蓋公頤效曹相國易夔子之邦

答施州甄守揆

三峽倒流方嘆川塗之險一麾出守遽蒙牋翰之修德  
厚而謙恭過於禮某官中山華胄西蜀良家才兼文武  
之全性稟忠義之實矯命制難陳湯有得於行權投筆  
立功班超宜侯於定遠既龍韜豹畧之屢試姑皂蓋朱  
幡之暫乘控巴地之上游守清江之名郡化已形於千  
里威且震於四夷更靡待終召其非晚

荅周運使

老向巴人方起杜陵之嘆憂銷王粲幸依劉表之賢使  
已近於光華禮將勤於吐握某官道師孔孟才配卿雲  
金門玉堂謂踐揚之已久木牛流馬奚飛輓之尚淹詔  
將下於蜀天公其歸於魏闕某敬拜宸命行趨計臺媿  
謝牘之未修辱賀緘之先及同西州之士願承教於鄉  
先生與列郎之民咸託庇於部刺史

荅茶運使

渭北江東起日暮春天之嘆烏壘烏道同孤城絕塞之  
遊行或使之喜可知也某官雁塔前輩麟臺故人既臭  
味之素同亦行藏之不異愛君憂國抗章如出於一心

持節分符遊宦相從於萬里某敬拜宸命將趨計臺媿  
謝牘之未修辱賀緘之未及傾蓋如故久論程孔之交  
呼酒勸君行講韓張之好

荅潼川運使何舍人

番水期年治亡善狀夔門萬里地竊巨藩揣庸繆以何  
堪恃高明而自尉某官學本自得才尤不群道造子思  
之誠氣養孟軻之浩傑立角出於永嘉多士之地難進  
易退於權臣用事之秋翁然稱鄉先生卓爾為天下士  
分符持憲不辭蜀道之難憂國愛民宣美錦城之樂  
某叨預梓里稔聞月評仰齒德爵之俱尊喜鼠馬牛之  
相及叱西州之馭稼孝子而為忠臣依常臯之賢視青

天其如平地

答前四川茶馬續修撰

國遊夔子稔聞舜友之風地過荊州未識韓侯之面目  
仰瞻於教似遽下拜於雙絨某官虞庠舊人晉國奇士  
仕途歷三十年之久鵬程搏九萬里之高牧民如牧羊  
為治素同於卜式問人不問馬存心無媿於宣尼坎則  
止而流則乘仕不喜而已不愠求田問舍孰云不高結  
綬彈冠亦何足慕優游里巷願養年齡然朝廷方思老  
成况天下咸仰齒德宣室未前賈誼蒲輪必起枚生某  
涉世最踈蒙恩誤寄方觀風而入境思問政以升堂庭  
過伯魚竊效陳亢之喜書傳雙鯉益嘆玉川之賢

答沈待制調

屢上詞章誤得股肱之郡未修竿牘遽觀面目之書絨  
來以朋禮過於厚某官望隆若雲世耀貂蟬八詠逸才  
真隱侯之華胄一門盛事實故相之難兄嘗分浙右之  
符尤著閩南之績奉真祠之已久奚從橐之尚淹行起  
老成以尉中外某聞分絕塞地易近藩將入境以觀風  
且登堂而問政婦自夔子國幸風波之已逃遊于鄭公  
鄉庶罪戾之可免

答劉大諫

屢上祠章誤得股肱之郡未修竿牘遽觀面目之書絨  
來以朋禮失之過某官學貫今古心潛聖賢樂道幾於



屢空養氣本無以直然青黎燭讀異書於蓬萊詠白蘋  
詩起清風於茗雪當龍飛乾道之始正鳳鳴朝陽之秋  
官居諫垣色正朝路稱堯舜者無非孟子誰與王言指  
茶頭者豈無京房孰若公勇道而去令名益高爭無  
媿於七人貴矣煩於五馬然減倉存而魯侯不遇既承  
璫去則李絳必束益輸畎畝之忠往贊岩廊之治某叨  
與同舍素蒙異知迹雖隔於江湖心不忘於館閣

吾凌尚書

兩朝重望一代儒宗擢第若摘領髭巍中甲科之選理  
身如梳旦髮了無纖垢之汙時可用而則行道無入而  
不得入則懋立朝之節出則騰治郡之聲退之以薦賢

為心天官惟允行漁有知人之鑑吏選尤精方聽履而  
上星辰遽銜盃而樂賢聖久淹家食想在宸衷佇繇八  
座之尊拱拜三公之貴其頃以晚進叨居下僚遯矣門  
墻之遠魏然山斗之仰

與沈尚書

易郡而東誤得股肱之重去天非遠喜瞻喉舌之尊行  
逐登龍敢先致鯉某官書讀萬卷名登兩科負賈生通  
達國體之才有韓子涵泳聖涯之學言無發而不中最  
高北闕之書治所至而有聲尤振西州之譽上意每注  
於安危之際公色不變於榮悴之交人才甚難今日有  
幾况當守方興衰而撥亂豈重臣可置散以按閣諒興

宣室之恩即起東山之卧某為學最淺受知實深賢閑  
首與於陶鎔詞掖誤蒙於薦引去門墻其已久仰山斗  
而不忘行由或使而身竄於憂喜亦可知而鄉遊於鄭  
事大夫之賢者竊效古人之居邦就有道而正焉庶幾  
君子之好學

答姚子才

存蒙肯顧寵示長牋豈惟嘆駢四儷六之精抑亦見聞  
一知十之學方觀韓子送何堅歸道州之文端賴澹臺  
助言偃為武城之治尚容再見以取謝私

答章教授

日邊得郡寄千里之眼眈魚腹有書見五年之面目禮

過於厚分非可堪某官挺秀相門蜚聲帝學文法漢而  
尤古詩擬騷而更工衣冠盛唐室之蕭詩禮傳孔庭之  
鯉滿門科第繼元佑省闈之風異日功名嗣慶曆名臣  
之頌學無入而不得辰何來之太遲窮年屹屹膏油業  
已精於韓吏部諸公衮衮臺省官豈冷於鄭廣文名譽  
已崇富貴將逼某燈共座序年同遠巡懷高山流水之  
音起日暮春天之嘆遠官夔子國幸已脫於風波來遊  
鄭公鄉庶可逃於罪戾

答泉州交代周參政

千里分符叨繼重臣之後雙緘拜賜輒為盛德之先覩  
鳳有期續貂為媿共惟某官學術首孟人才高夔昔遇

上皇聳風來於臺諫晚事聖主贊謀謨於廟堂又均逸  
於巨藩暫養高於琳宇如昔者大老之二兼天下達尊  
之三益歸乎來受立作相某不學亡術見賢思齊將入  
境以觀風頭登堂而問政竊比曹相一遵蕭何之規真  
見周公不化宣尼之夢

與福州王參政

五載三州方幸投閑而置散一麾千里又叨宣化而承  
流顧大邦雖非小子所堪然便道有見先生之喜共惟  
某官性天小卓材地闊深道扶孔孟而襲其傳文追楊  
馬而為之配變儒風於兩學最治績於四川榮長諫垣  
所陳無非大事魏參政柄有告必以嘉猷方蹇蹇以立

朝遂營營而去國四海咸真其復起七閩豈得而獨私  
盍歸何來如古者之二大老無出其右兼天下之三達  
尊願趣曹裝即膺漢詔某門闌下士學校諸生蚤親模  
範之工遂玷簪紳之寵茲監膺於剡郡幸密隸於崇獻  
欲問為邦竊自比於顏子願言承教終不叛於幕公

答趙知宗

五年三郡方幸投閑十劄十行又叨共理遠辱朋錢之  
及仰欽謙德之光伏惟某官派出銀潢名高玉牒術業  
炎劉之歆向勲謀仙李之江河兼爵齒德之尊有風雅  
頌之好帝眷尤甚宗盟有光况倦倦忠臣不忘賦詠之  
念俾振振君子咸陶麟趾之風佇觀昌魯之季孫行作

相周之衛武某昔在越絕獲知宗英屢陪觴詠之遊久  
闕咲談之樂不謂晚塗遊宦重遇平生故人將使泉  
復繼蘭亭之盛不令坡老獨稱安定之賢

荅蔣教授

不學亡術繆懷刺史之章同官為僚行詣廣文之舍禮  
過於厚緘來以朋某官姬籙傳芳莆田挺秀深究群經  
之旨早聯千佛之名登科蓋已十八年讀書何止五千  
卷眷此清源之郡雅為遊宦之鄉昔鳴子賤之琴今主  
馬融之帳化同魯國諸生成采於藻芹文振歐陽高第  
行登於龍虎官豈容冷詔將被溫某立朝甚愚為政尤  
拙已五年而三郡又千里而一麾將入境以觀風且升

堂而問道見尺書之面已得其人游半水之宮願咨以  
政

荅興化陸教授

五年四郡誤懷假守之章千里尺書快覩同年之面禮  
過於厚緘來以朋某官秀挺三山風高二陸才蓋由於  
天賦學况得於家傳搏風宜上於天池采藻尚淹於侯  
泮眷茲莆水實為冠帶之鄉宜得宣公以昌仁誼之學  
官豈容冷詔行被溫某符竹濫分寶鄰是賴方驅車而  
假道願問政以登堂誦十年尊酒之詩辰乎何速見千  
佛明經之士喜也可知

荅任運使

五年三郡方幸投閣一札十行又叨共理首辱朋緘之  
貺仰欽謹德之光某官秀挺三山名高千佛歸吏必以  
儒術修身本乎誠明色正霜臺風采稔聞於半多位分  
卿月禮樂咸資於一夔入則居清要之官出則為光華  
之使著治績於數路鵠歡聲於七閩姑為轉餉之蕭耻  
作流錢之晏苟非仁義固未嘗陳於王前其在朝廷又  
孰敢於諸任齒使輶暫屈召節昇來某涉世最疎辱知  
素厚千里誤分於符竹二天仰賴於併懽教化羨而風  
俗夷小諸侯敢不自勉撫字勞而催科拙賢使者必能  
見容

春石察判起系

魏中亞魁榮歸故里大策肇傳於多士長綈寵及於陳  
人事甚盛而獲觀喜欲言而不足某官家傳萬石譽擅  
七閩志雅在於奪標射果聞於中目詳觀切直之對深  
得茂明之宜雖策勲有蕭一曾次之或殊然公議以王  
後盧前為未惟清泉紮帽邊改觀於溫陵綠水紅蓮聊  
宦游於越絕佇自賓幕即登道山某幸茲分符叨與勸  
駕果遂郊迎之語薄摠簪蓋之誠式邁其歸榮親之樂  
孰加此不負所學許國之忠其自今

春郭縣尉

榮擢魏第言旋故鄉荐蒙都騎之臨重拜雄文之貺老  
獲觀於盛事喜實倍於常情某官經專獲麟文冠薦

蘭省復居於前列英聲益重於南州暫庵龍虎之義名  
姑作神仙之隱吏力蓋由於稽古人咸貴於為儒託諸  
空言科第既已恩子行其所學忠孝可以立身微聖賢  
其誰與歸於禮樂必從先進願自今日以觀遠猷

答興化何知軍

地異楚齊海不分於南北國猶魯衛政竊比於弟兄况  
為天子守土之臣宜講諸侯睦鄰之好禮過於石緘來  
以朋某官挺生相門妙有家學早蜚聲於槐市果巍第  
於風宸惓惓懷憂國之誠耿耿抱疾邪之憤官清而要  
榮躋列宿之躔氣直以剴力請上方之劍乃反落御史  
之膽恨不斷佞臣之頭始知學後之有人孰謂書生之

不武上嘉蹇是諤卒行其言天賞精忠遂魁其子風采聳  
於天下名節立於筆端益歸士荀之班姑養琳宮之浩  
符分千里方歌來莫之庶詔下九重行作去思之武某  
聯名雁塔共事賢閔既臭味之素尚又封疆之不遠相  
為唇齒之國義莫重焉敬觀面目之書喜可知也

賀張尚書

伏審力辭從橐崇奉真祠縉紳高勇決之風當守惜老  
成之去不負所學於夫子無媿陸宣公能全大節還故  
鄉真同道清獻其受知最厚贊喜尤深方當危疑之秋  
倍為明哲之賀日探車騎即登門墻

賀陳右相

廷煥大號相登真儒誰呼萬方聳動列辟某官氣大以  
直學明而誠入則正色於朝廷出則乃心於王室行藏  
合聖人之用舍進退為天下之重輕不肯枉尺而直尋  
惟身獻可而替不章屢上而求去甚力瞻愈隆而挽留  
益堅可謂大臣已久慰蒼生之望多立作相宜盡行平  
日之言績坐底於咸熙喜真成於不寐

賀汪尚書應辰

光膺帝制榮總天官讀侍金華班高玉筍共惟慶慰其  
官書讀萬卷心醉六經養孟軻之直剛得仲尼之忠恕  
入則居獻納論思之地出則摠方伯連師之權德名重  
於華夷治行最於閩蜀學以傳道真宜為萬乘之師才

可佐王奚止居六官之長孰能熙帝之載當今舍公其  
誰茲與議之所期非某敢私其祝

賀陳左相康伯

誕敷明命榮陟首台用賢非以序遷簡帝實由人望某  
官學博聖絕心造道微德寬大而能有容氣直剛而不  
可奪入則以嘉猷而告君出則以斯道而覺民房元齡  
心不啓權斯能持於衆羨蕭相國法若畫一固宜冠於  
群臣况宰相以鎮撫四夷而丈夫當掃除天下今日之  
事舍公其誰侵疆未歸人咸望於夫子不仁者遠功實  
在於臯陶罔俾古人獨專其美

賀虞右相丑文

廷渙大號朝登碩儒選衆得賢若舜湯命相之日縉紳  
相質如又富宣麻之時謹呼萬方聳動列辟某官勇自  
仁出忠由孝後鯁諤傳世南之風敬義稟坤文之德入  
則以嘉猷而告后出則以斯道而覺民拯社稷於艱危  
靜胡塵於談笑周瑜赤壁之外不見雋功謝安淝水以  
還未聞相業公獨得於兼備事非止於一書樞府出而  
全蜀安衮衣歸而敵國惧果膺爰立式慰爾瞻然大臣  
以道事君而春秋責備賢者願以天下而自任勿謂吾  
君之不能魯國侵疆未歸責端在於夫子樂正為人好  
善喜竊同於孟軻周俾古人獨專其美

與交代胡侍郎

執筆螭坳昔類蕪酸之倚分符閩嶠今同糠粃之賜不  
禹哀暮之孤蹤復有交承之雅契某官心傳絕學天賦  
剡腸當茲邪誤國之秋奮忠誼敢言之勇朱雲請上方  
劍欲斷佞臣之頭賈生陳痛哭書願繫單于之頸去國  
蓋一萬里投荒踰二十年會上聖之嗣興起孤忠於久  
廢心惟憂國屢推造膝之誠義不戴天力沮和戎之議  
卒落落而難合竟栖栖而不容周宣方撥亂以興衰韓  
子乃投閑而置散銜孟里巷晦迹桑榆盍歸乎耒萬事  
之問在伯始無出其右十里之難制一賢赤心素結於  
睿知白首姑煩於卧治初需漳浦之次遽易溫陵之麾  
佇竢番中詎容補外某輩行相絕官僚偶同聽詩書執



禮之言資直諒多聞之益左右共書於言動後先相繼  
以承宣誦十年尊酒之詩修尺素雙魚之敬來何太莫  
宜速曹相國之裝政務惟新奚煩楚令尹之告

梅溪先生後集卷第二十三

梅溪先生後集卷第二十四

小簡

答呂主簿廷

某頓首再拜氣肅晚秋候臨良月伏惟主簿學士百神  
交相萬福駢臻某仰竊此休重蒙記錄謹因回介少布  
謝悰不宣

某向寓雪溪獲瞻芝宇千里相逢而遂成傾蓋一樽屢  
共而辱與論又念几席之久違荷故舊之不棄遠領翰  
墨仰佩謙勤披味以還感媿兼集

某官斯文老匠後進名師不倦學古之心尤高鑄人之  
手聲望煒燁平生知識最多人物魁梧他日富貴何患

行見公朝之薦鷄寧憂小邑之栖鸞願調護於鼎茵佇  
翱翔於臺閣

某比因竊第之還遂適披雲之願特蒙枉顧益見撝謙  
別離經時行將命嵇呂之駕會合有日要須聯孟韓之  
詩惟是頌言併遲面究

某濫被宸恩荐更幕府未修謝牘遽拜賀緘蒙長者之  
見先媿小人之不敏遂有親依之幸尤深忻忭之誠探  
禹穴而登稽山願觀古謀泛剡溪而訪安道不廢家風

與王安撫師心

會稽地廣民夥號東南大都會第以連歲灾荒今年尤  
甚孟秋之初大風淫雨繼以江濤暴漲飄廬舍害禾稼

瀕海之民死徙者稍多茲固仁人君子所宜動心仰惟  
入境之初首加訪問下車之始撫字為先上以寬聖君  
東顧之憂下以慰越人引領之望不勝幸甚某備真幕  
職目觀其事輒敢以聞

與趙侍郎令詔

拜違台範晦朔遽更仰德之誠不忘鑿竊竊惟視印之  
初人事紛冗尺牘修敬不敢輒先雖去思之意不戒於  
越人而後賀之罪已同於譚子尚冀貸其不敏

某官疏通練達寬厚老成歷四十年之仕途號二千石  
之治宥憲閩帥越異績愈彰方當宁以用度為憂畀明  
公以貨泉之柄中外相賀以為得人昔蕭何轉漕關中

以給民食劉晏流錢地上用佐中興久無其人惟公是  
望輿論攸屬某非敢私比者天降之災害及稼穡越人  
瘠矣得旨賑濟遂獲更生竊知公為上言之活人手段  
已見於得君之初也公已去而不忘越人德公亦將  
終身而不忘甘棠勿伐之詠在越而不在燕矣  
某以書生贊幕懵無所知仰荷包荒不賜譴斥子犯有  
罪猶自知之婁公見容可謂盛德尚矣始終垂庇獲免  
於戾感戴何窮

與王舍人剛中

史館舍人道德才猷文章議論真一代人傑也爰從大  
對忤意權臣養浩十年卒不為附麗計公道既開平步

館閣茲者正位西掖有識相慶昔晁董蜚聲於對策而  
不遇明主常揚得體於制誥而俱非正人夫豈如公兼  
備衆美至若子產以潤色有功而立鄭宣公以代言振  
職而興唐相業可嘉起於辭令天下縉紳所同望於門  
下非某區區私祝也

伏審代言西掖被命為真自代之章輒及寒賤靜惟斯  
舉本非虛文前輩達賢引類多在於此爰從近歲茲道  
不公不出於觀望則生於請託故上不以實而求下亦  
以文而應自非高明特達之士以公道為己任孰肯於  
觀望請託之外而舉人仰惟大賢獨追前輩自顧何人  
可當公舉獎借過情感媿亡地啓事一封聊申謝臆雖

舉於公朝不當講私謝之禮然待以國士其可以衆人報耶

答陳少卿揆

某前歲竊第行朝遂獲出入門下者數月伏蒙顧遇情均父兄私心感激無以借喻况獲珠玉盈篋以歸輝映里閭寵於得第親故相見首以公之遇我者告之無不欽嘆厚德尚恨未有圖報之所而大旆已西瞻望門墻不勝依戀

李路鈴至越首拜誨緘之賜累幅勤厚如面台顏伏承養浩丘園日有文字詩酒之樂仰見大君子所蘊過人朝著山林無入而不自得又蒙欲以所作見示尤荷台眷之薦將始終教誨成就之也果蒙不鄙甚幸甚幸

答李丞務

蒙示先叅政壙記三復流涕仍需挽章感認不鄙恭惟叅政宏才碩學精忠大節凜然當代少見其比雖晚路為權臣所抑不獲伸其素志然天下公論史官直筆斷不可誣某輩鄙陋之詞豈足以發揚其萬一平生之所以聳慕者有不可辭三章謾往惶愧亡地

與張臺法闡

臺法鄉丈茂對新揚檢勅臺憲神相忠嘉台候萬福某日者伏審光膺寵命喜至於躍念欲即修賀書切謂大賢進用不止於此日竦殊擢故少遲之非敢自外於門

下也仰惟聖君求治甚切不為無事吾鄉一二先達致  
身臺諫當得言之秋必能明目張膽以慰公論某所以  
遲遲而賀者亦姑有待焉敢乞上體眷隆展盡底蘊以  
結主知指日大用以福蒼生以副簪紳之望維桑與梓  
亦被餘榮

答溫守周侍郎節

伏蒙賜以書翰圓緘累幅禮意有加旨酒生羊為貺甚  
寵近代先達薦紳以名位自居貴不下賤久矣兼達尊  
之二且身為邦伯而禮先於寒賤後學德盛而謙世所  
未有顧某何者可以蒙此邪下拜之餘感懼并集

答台守凌侍郎哲

伏蒙台慈呂某假塗赴闕特有寵賜某竊聞將有遠行  
行必以贍雖百鎰在所不辭然可以無取取則傷廉雖  
一錢有不宜受獨於仁者之賜輒起小人之貪拜貺以  
還感媿無地今祇領到州十千省發路之賜謹用回納

與王運使之望

某官道德政事文章經術當於古人前輩中求之非止  
可為今日儒宗吏師也朝廷方以全蜀為重故畀以外  
臺之寄恩威五十四郡屹然為國長城以寬主上西顧  
之憂豈以蕭何能轉輸劉晏知取予之事而况縉紳先  
生耶

越蜀相去萬里不修輿居問又復二年惟拳拳斗仰之

誠不替朝夕去歲邸報中獲觀臺諫列薦之章士夫識  
與不識罔不欽嘆門下士喜如之何清資峻秩不足為  
先生榮異日特書大書屢書者為可貴爾比至行朝虞  
郎中出示蜀中小錄竊知職 試文術獲觀約束  
知其所得必真才實學相如楊雄三蘇輩一網盡矣省  
榜已揭太學得百餘人可謂盛事皆出先生疇昔作成  
教導之賜也近年文體屢變學官屢易士子多異論惟  
推服吾先生至今無異辭入蜀以來聲聞益著朝論翕  
然何大諫諸公稱道尤力召還必在數月間某或未以  
罪去復有摳衣之幸矣

某晚學不才試吏越幕自謂必以瘵曠獲罪誤蒙郡帥

王書見知嘗薦僚屬四人于朝以其為首然某亦佩服  
先生之教在越兩載不敢以一字違廟堂諸公臘月七  
日終更當日挈賤累還鄉欲屏迹山林以安愚拙不謂  
叨被誤恩有校讎冊府之命退惟僥冒實出先生平日  
齒牙餘賜第切媿感穀日離家二月初至行朝供職已  
半月賤累猶未來也汪聖錫為少蓬尤厭士論館中皆  
一時英雋某廁迹其間葭倚群玉媿不自矜先生顧遇  
素厚必有以警策不逮俾終為善類之歸幸甚

某比因廷對尤荷今四川制置王文見知代言西掖舉  
以自代自惟疎繆聲迹沈下仰蒙特達感激不已以國  
士見遇者惟吾先生及舍人文二人今皆在萬里故某

歸依慕用之誠尤在於蜀也閻梁二同年試吏兩川帥  
幕閻質直梁俊邁皆蜀中佳士獲趨事大賢必蒙厚遇  
劉韶美宮教在會稽遊從甚款自謂受不於先生語必  
慨然葉樞至越見之大以為奇延譽諸公今亦移行朝  
供職矣先生行將大用薦賢報國尤所當先閻察推老  
矣當不待終更而薦之可也輿論所欲非某敢私

答曾知郡汪

某官人物不群才德俱邵學術通倫類而無入不得儒  
雅飾吏事而所至有聲南州之政已聞北闕之詔將下  
豈茲小壘可淹大賢輿論所期非某敢私祝也  
往歲某官吏隱樂清主盟鄉校某獲執經與諸生之列

最蒙不以碌碌餘子遇窺奧境而知所歸皆我公博約  
之賜也違去二十年兩遭家難屢困場屋声迹沈下逾  
遠門墻尺書修敬莫克自致於千里之遠媿媿負負何  
以自文然景山仰斗之誠初未嘗一日替仰惟高明宏  
博必恕其不敏而亮其無他臨紙悚懼不自已已

與任安撫古

某官全名大節凜然超絕昔人前輩之上乃者持風憲  
肅朝綱忠言讜論屢批逆鱗奸邪寢謀盜名器者為之  
膽落議者謂雖漢汲黯唐魏鄭公國朝王元之唐子方  
諸公殆無以過直道不容一麾出守有識之士咸為清  
朝惜之然聖主圖治方銳急於見賢端人正士決不可

久外宣室之念正深詔書行落大江之西公其為蒼生  
起  
某叨被誤恩校讎冊府靜惟僥冒實出先達大賢吹噓  
獎拔之賜寧不知感第恨來晚不獲瞻拜合光親承博  
約以慰平昔慕用之誠然每見同舍郎稱頌盛德幾不  
容口柏臺蓬山至今有光吾道甚幸名教甚幸

答趙撫幹伯椿

荐拜劄翰之辱如對標致於几席間喜可知也暑雨未  
歇伏審蓮幕風高贊畫有相台候萬福某竊祿懷媿每  
塵記錄蝻蚘風味不惟勝無腸公子自可以輦瑤柱江  
君會稽固不易得錢塘又絕無之臨食必起故鄉之思

興與鱸尊同但不能如張翰之勇決耳遠蒙分貺以養  
吾老饜媿感俱不少也道山石渠輒納墨本置之悠然  
閣可與南山同入眼劉子政乃天祿閣中人豈容懷倦  
倦之忠久屈于外耶

與任提舉文薦

某官以直道立朝去非其罪物論惜之茲承光奉宸恩  
榮持使節作外臺之耳目聳風采於大江之西識者謂  
聖眷方隆茲實大用之權輿也伏想輜軒扁道而名節  
已隆天氣正炎淫雨未歇敢祝善保台重

某仰視台照輒有塵稟某有表灶賈如規者宣靖間在  
太學有聲後困場屋遂俯就恩科其人極有士行為鄉



里所推前任建昌尉以清白聞今任興國軍司理秋冬  
間赴上賈安分自守不求知於人然某官方以人物為  
心不敢不以其名聞也又親戚劉鎮者戊辰榜中乙  
科其人有學問工詩文通曉吏事見任洪州司法登第  
一星餘尚困選調今皆獲趨事大賢深為之喜儻蒙提  
挈成就甚幸甚幸苟非其人某亦不敢妄舉

與王總領之望

淞中去蜀如在天上不修興居狀又復一年惟是萬里  
斗仰之誠不替朝夕幾州至臨安出所賜書欽閱以還  
感佩謙抑去歲聞石命某喜尤不自勝謂即有瞻拜之  
幸既而改除輿論殊鬱蓋朝廷以蜀為重姑留大賢然  
豫章宣城之除無不稱善縉紳日俟先生之歸便當為

治裝計

某竊食遼山日虞罪戾茲蒙誤恩備負佐謨退惟僥冒  
實先生疇昔獎借之賜第增感激然某去冬輪對妄論  
時事初自謂必得罪聖主寬容不惟不怒且畧施行其  
言既而館中諸公相繼論列上一一開納但側目者衆  
迹不自安某與馮圓仲一一同舍皆請外廟堂不肖敢  
奏葉樞以其事聞上諭宰執俱不容去某以求去得遷  
力辭不獲今亦不住為乞外丐相計萬一果遂所願甚

幸甚幸先生知遇有素更乞時賜警策俾終不為小人  
之歸以辱門下其為幸也大大矣

幾拜被辟益見先生友愛之為開問無不欽欵萬里  
之行良勞第恐坐席未暖必隨台旂而還也鄭正拜教  
授昔在上庠獲預執經之列又與幾拜游今相隨入蜀  
切望周旋閻梁二同年近得書皆荷知遇闈又蒙以四  
條首薦尤感激也近館職甚缺負次第皆召試矣主上  
聖德日加陳丞相有容德頗收拾人才臺綱稍振陳應  
求副端排擊奸邪保全善類尤為士論所歸乃汪端公  
薦引之也用劄信拜逐劉寶皆近日可喜事其他事體  
幾拜能言之

答王舍人佐

別大君子凡三年相去二千里之遠修敬不先下拜誨  
緘之寵者再矣舍人不以先達自居而謙德如此某晚  
進乃敢珠息尚何以自文耶某比備數館職與二三同  
舍日以時事為憂初欲同上封事未果會嘗輪對遂各  
以已見獻某最山野狂妄尤甚上寬大能受盡言不惟  
不怒且畧施行之但左右前後瞋目切齒者終不相置  
某自去冬求去劄子凡數十上凡八閱月始遂所請然  
區區之意止是丐祠廟堂乃委曲如此出自望外闕期  
近在九月間當復申前請以遂所志不復請仁者之  
日俟舍人文零陵報政適歸廊廟公道復行清流增氣

某已掛之冠當復彈矣

蒙示兩紙論列時事仰見舍人丈天資忠義過人遠甚不以身外而忘愛君憂國心也三復以還欽嘆不已某以五月十八日離行朝至途中聞次日有虜使失禮事中外咸懷主辱以死之恥况官穹祿濃者當如何某方屏迹田野雖黜陟不知理亂不聞不復開口及時事然吠敵愴惓之誠猶前日耳况舍人丈受明主之知膺千里之寄宜其不能自已也來書所說荆襄雷化事此豈細故耶梁父賢者方居言路不可不以告之

與洪檢詳邁

比獲識檢詳難兄弟于朝讀雄偉之文聞正大之論知

天下士在一門也又辱為檢詳同舍之未荷知良不淺臨行既勤餞送仍寵以詩章歸橐有光感激無已違去數月斗仰不忘需次弊鄉偶成見闕雖貧居急祿而卧病未能遽行復申祠請實非獲已儻蒙台念見廟堂諸公曲賜一言俾遂所求不勝至幸

與杜殿院

起莘

伏審光膺宸命榮陟臺端天子親擢正人中外莫不相慶竊聞殿院丈排擊姦邪保全善類饒君子不饒小人果踐平日之語某受知最厚贊喜巨量更冀盡摠素蘊益振臺綱以滿中外之望

與吳察院

莘

伏審光膺宸命榮陟霜臺朝登正人中外胥慶拜違台  
範垂三十年雖修敬有稽而仰德不替比聞召環真成  
不寐之喜然君子未來而小人已去道出發女日伺騎  
音竟不瞻際悵望何已某蒙恩補外需次還鄉方幸息  
肩官司來督赴任雖貧居急祿而多病未能遽行遙望  
門墻倍增依慕

與汪侍郎

某入館之初侍郎丈以先達儒宗為蓬萊主人遂獲朝  
夕趨隅以聽博約重辱顧遇不後同輩臨行又蒙餞別  
之寵晚進不才何以得此拜違數月斗仰益厯需次弊  
鄉偶成見闕貧居急於得祿便欲犇走就職緣冒暑得  
疾未能去體素苦痰嗽遇秋復作不免復中前請以劄  
子託圓仲矣敢望侍郎丈見廟堂一言俾遂區區之願  
庶得在家醫治少延殘喘不勝感幸

與凌侍郎

景夏

某備數冊府獲識侍郎丈於朝望儼然之容聞正大之  
論知朝廷之有人三十年盛名不虛得也謙恭下士真  
有前輩風某愚不入時獨蒙顧遇臨行又辱寵餞禮意  
有加晚學不才何以得此於大君子私心感激不自己  
已違去數月斗仰弥厯需次還鄉偶成見闕雖貧居急  
於得祿而卧病未能遽行復申祠請實非獲已已懇汪  
丈為告廟堂更告侍郎丈曲賜一言俾遂所求幸甚

與劉察院度

伏審光膺宸命榮陟霜臺大用有階善類相慶其晚學  
不才濫游冊府獲親炙者幾年薰溫粹之容稔忠厚  
之論知君子所養過人媿僕輩匹夫之賤每蒙推誠顧  
遇警策不敏臨行惜別著見顏色既勤飲餞又寵以詩  
章誦小小林園意自憐之句覺松菊之有光也違去數  
月夢寐不忘自聞新除喜不自己近朝廷去積年巨惡  
大快輿論天下知臺諫之有人矣

與陳侍郎俊卿

光膺宸命榮陟從班朝登正人中外相慶天子欲其居  
獻納之地天下知其為大用之階有識君子惜其去風  
憲之早也某晚進不才素蒙知遇天資狂妄尤荷保全  
去遠風墻不勝依慕

與汪中丞

伏以中丞負王佐才為長御史以暴公子之威名而持  
斧以裝中立之德望而視師風采所加華夏咸聳悍將  
為之落膽狂虜不敢貫弓一正天下如其仁不有君子  
其能國大夫出利國家安社稷茲其時哉宰相上佐天  
子理陰陽執先公者某受知不淺贊喜為多方苦癢痾  
之侵復伸祠伏之請望墻墻其愈遠瞻履焉而莫遑想  
旌旆之已旋諒紀綱之益振倚頌大拜續走賀緘

與趙安撫清卿

某晚學不才備數冊府最蒙安撫待制文顧遇不淺臨  
行又辱寵贈禮意有加然往制方以清白表率縉紳某  
不收自處於傷廉之地雖不拜賜而感激未嘗自己拜  
違數月仰德益勤需次弊鄉偶成見闕雖貧居急於得  
祿然為多病所困輒復丐祠愈遠門牆不勝依慕

與梁司諫

某愚不入時獨蒙司諫文特達知遇狂妄之迹賴以保  
全臨行又拜清白之貺拜違數月斗仰不忘竊聞司諫  
危言讜論排擊奸邪天下咸稱為真諫官莫不想望風  
采樂道人之善人之常情也况某受知不淺喜當如何

答陳侍郎正同

某自卍角學讀書聞先生長者之論知欽慕忠肅公之  
為人去春怱怱西邁一物不暇將獨携温公忠肅二畫  
像而行尊堯集雖熟閱之每以不見全集為恨茲辱頒  
賜副石刻既慙冠下拜遂撥置群書朝夕欽誦真可  
與日星爭輝非照乘珠比也

答温守徐侍郎

茲聞力請千朝已遂祠佚方與邦人同結去思未遑趨  
拜遽奉貶誨仰佩謙冲其嘗嘆近世人才少有全者或  
吏才長於治郡而名節無聞或名節著於立朝而政事  
多短獨侍郎文昔持從橐天下稱為正人出守海邦人  
咸謂自有郡以來未有賢明太守如侍郎者非某之私

言也承台旆取道樂成當探伺戒途俯伏道左與攀轅之列

與溫守莫郎中伯虛

某官天賦材猷家傳吏事籍甚之譽謫著簪紳 聖天子方以外治為憂故輟自撻蘭出分符竹踐揚中外無適不宜顧東嘉小郡豈足以屈大賢弟以先大監遺愛著在千里人心甘棠且猶愛之况其子耶民望使君之來久矣想不勞而治也然朝廷需才方急指日名環行見卧轡攀轅又如三十載之前舊使君之去也

答湖守陳郎中之茂

拜違一年又半矣千里仰斗之情常在夢寐中也往五月去國行色忽遽不及以書告違還家許久去郡城稍遠無雲川便又不獲修敬媿媿負負何以自文不謂長者不以其愚不肖遠勞記憶賜以手書盈幅諄諄情辭備見如前自在道山侍几寫承博約時也喜如之何弊鄉去湖雖遠而知郡丈政聲籍籍著人耳目比得莫子齊書言吾丈去歲修城今又大忠烈廟皆有碑刻文章政事於是兩全某謂此乃通才餘事其好善嫉惡之性胷中耿耿之奇議論慷慨名節凜然當於古人中求之可也某雖晚進不才辱顧遇良不淺比見送馮圓仲序復及小人異日遂可託太賢之文章聯不朽矣圓仲之去可惜然於出處無媿吾徒之幸元章半月之款想是

以破顛一好漢如此不容於時何耶杜起莘盡言而去  
士論甚休亦一時館閣游從盛事也某屏迹山間足迹  
不到州縣闔門二百指飯雖不足亦頗能忍窮有小小  
園林足以自適惟畎畝之心惓惓猶前日耳未能乘桴  
從游踐送別之語臨紙不勝依依

與永嘉南溪國朝宗

某作別喻年不廢思仰自竊第歸鄉念欲一見異邑之  
阻願無由遂秋杪微寒伏惟文候萬福近朝廷行燕經  
最優春秋吾友記問素熟於場屋尤利來春有補切宜  
勉力某易任會稽旦夕成行他日行李過越切望見訪  
少浼術士劉孚先談命頗竒中甄字求見幸一過之更

望吹噓俾有所獲亦不廢之惠也會合未期望為遠業  
加受





